

1902



1944

N.º 77

A.E.
080 RUS
36/44

BIBLIOTECA
SEMINARIO V.
PORDENONE

p. e.

OSO 185

36/44

LUNARI FURLAN CUN REGAI

par l'an

1902



UDIN
TIPOGRAFIE DEL PATRONAT
1902.

Calcul Ecclesiastic.

Numar d'aur 3 — Epate XXI — Cielo del Soreli 7 —
Lètare Domenical E — Indizion Romane 15 — Lètare del
Martirologio B.

Fiestis Mobilis.

Settuagesime	26 Zenâr
La Cinise	12 Febrar
Pasehe	30 Marz
Rogazions	5, 6, 7 Mai
Seense	8 Mai
Pentecostis	18 Mai
SS. Trinitad	25 Mai
Corpus Domini	29 Mai
Domenis dopo lis Pentecostis	XXVII
Avent	16 Novem.

Quatri Timporis.

Primevere	19, 21, 22 Febrar
Istât	21, 23, 24 Mai
Autun	17, 19, 20 Settembar
Inviâr	17, 19, 20 Decembar

Ecliss.

Ecliss parzial di Soreli, 8 Avril, non visibil in Italie.
Total di lune, 22 Avril, visibil come parzial in Italie,
da lis 16.59 a lis 22.55.

Parzial di soreli il 7 Mai, non visibil in Italie.
Total di lune il 17 Otubar, visibil come parzial in
Italie da lis 4.18 a 9.49.

Parzial di Soreli il 31 Otubar da lis 7.24 a lis 7.51.

Marchiaz di Udin.

S. ANTONI	16, 17, 18 Zenar
S. VALANTIN	13, 14, 15 Febrar
TIARZE IOIBE	20 e 21 Marz
S. ZORZ	22, 23, 24 Avril
S. CANZIAN	30 e 31 Mai
TIARZE IOIBE	19 e 20 Iugn
S. LURINZ	11, 12, 13 Avost
TIARZE IOIBE	18 e 19 Setembar
TIARZE IOIBE	16 e 17 Otubar
S. CATARINE	25, 26, 27 Novembar
TIARZE IOIBE	18 e 19 Decembar

Preàmbul.

Soi ca. Ma 'o sint a dìmi d'ogni part :

« Masse tard ! masse tard ! »

Oh Furlans, e parzò mo', in 'ste maniere:

Mostràmi brute ciere,

Mostrà di no capì

Che al'è pa 'l vuestri ben,

Se 'o intardi qualehi di ?

Se volèss fa un lunari — par mistîr

Tant di brojà su il mond,

Come par ordenari

E' si 'n viôd tang in zîr,

'O vorèss meti pen — di dàusal pront

Il miò Stròlic Furlàn — da uè a doman.

Ma jò 'o fâs cum euscienze,

Quindi l'òpere mè jè òpere imènse.

Par esempi, hai dovût in tèorie

Imparà geografie, geometrie,

Algebre, astronomie,

Marine, agriculture,

Dug i scherz de' nature,

Dug i bisugns e i gusg de' umanità,

E un' altre infinitât

D'arz e di scienzis d'ogni qualitât

Che ocòrin par podè fa là par fil

E mar, e tiare, e cil.

Vignind ai fazz, e in mud particolâr

A l'an nuvent e dòì,

Essind che al è Mercûri il dominânt,

Mercûri il grand birbânt

Cu 'l so guviâr dispòtie e di bròi,

Dovèi mèti un impegnò singolâr ;

Se nò quàlehi brütt tîr

Varès podût distrùzi il mond intîr.

Vè par mân il soreli — par guidài

Des voltis i chiavài,
Chè, stand che lui l'è vièli,
Porèssin iubrenâz là pa-i fossai.
Tignilu mond, lustrât,
Des vòltis rinfreschiât,
Des àltris tapossât,
Par che no 'l cuei, o che no 'l sei glazzât.
Fa là dretis lis stèlis po' lor strade.
Chè guài se si trussàsin fra di lôr!
Ogni qual tratt d'aur uèli, o une smochiade,
Par che no fàsin un chiativ lusôr.
Bàti la lune, chè no lèi sealzând,
Chè no bazzili trèdis mès t'un an
Cu-l'èstro mataràn,
Chè vèi riguàrz quand che si va mudând,
Chè no stèi impetolade ta-i sporchèzz,
Chè jèvi e tòrni in cuzz a lis sôs òris
Fasind lis pròpris vòris
Senze begà cun Febo e cu-i planèzz,
Chè no lei improvinsând dei tradimènz,
Chè no vei trisg influss su-i elemènz.
Jèssi paròn dei vinz, paròn del nûl,
E a second dal bisugn, o de la vòe,
Distribui al Friûl
O àjar, o nêv, o plœ,
E tignl fermes in puêste
Il sutt, i temporài e la tempieste.

Cussl, in gràzie di chest,
Us vegnarà un inviâr vònde di sest:
Sald di temperature,
Senze grande criûre,
Ben intindût, cun quàlchi neveàde,
Cun quàlchi sirocàde — e un po' di buère.
Varès la primevère
Clipûte, parigine,
Cu-i ventisèi e cu-la plovisine,



Corind par la taviele,
Come une bardassele
A vòs di rusignùl sveand il mond.
Daur, a dai second,
Al sarà pront l'istât,
Naturalmèntri un pòe scalfuriât,
Un tantin bruntulôn,
Fòrsi tropp sutt, o mässe splovazzôn,
Qualchi tempestadine, qualchi ton;
Ma in plen larà benôn.
Di mûd che autùn al chiatarà in campagne
Une vere eucagne — di racuèi.
Vorèssiso di mièi?
Altri che mormoràmi!
Altri che slengazzàmi!
Altri che dàm tuart
Parzè 'o soi mässe tard!!

E po'... chialàit, furlàns,
Dulà isal un stròlie mài
Che al premii cun regài
Chèi che 'j son còrtesans?
Jò fra dug chei de' tiàre,
Jò, che, cun t'un portènt,
No baste che 'o dòi prèmis,
Ma an dòi plui di cincènt.
Ma ognùn capiss la vòre che mi tòchie
Par sburi fur tant nùmar,
E contentà ogni bòchie:
Il cont, il borghesàn,
Il nòbil, il vilàn,
Il prèdi, il secolâr,
Civil e militâr,
Il mèstri cu 'l senelâr,
Il mièdi, il speziâr,
L'artist, il marchiedànt,
Il dott e l'ignorànt,
Sotàn e fituâl,

Il siôr, il contadin,
Il furbo, il basoâl,
Il grand, il pitinûn,
Il rice, il pedogîôs,
Il goff, il galandin,
Il splêndit, il tegnôs,
Il vîl, il coragiôs,
Il russ, il smorfîôs,
Il calm, il rabiôs,
L' ùmil, il boriôs,
Il sporc, il puliziôs,
Il bon, il viziôs,
Il tègne, il generôs,
Il tènar, il grintôs,
I astémis, il golôs,
Il trist, il religiôs,
Il legri, il disperât,
Il san, il picagnât,
Fantàtt, o maridât,
O zòvin, o frustât,
Sèi di qualunque stât,
Qualunque profession,
O sess o condiziòn...

Altri che mormorami !
Altri che slengazzàmi !
Altri che dàmi tuàrt,
Parzè 'o soi màasse tard !!
Quand che al è muàrt Zorutt
E' han cūlât par dutt :
« Cumò che no l'è lui
Mo ridarin mai plui » .
Quand che murirài jò,
Laràn disint : « cumò
E' vin piardût un Strolie,
Che land batind la lune
Nus dève la furtune » .

ZENÀR

Jeve il Sorelli a oris 7 m. 41 — Tram. a oris 16 m. 12

1 Ultim Quart a oris 17 m. 8.

Cui che sa fà, uadàgne.

Superbo, caprizzos, trist, insolent,
Dispetôs, prepotent,
Sbrunduland, fracassand,
Zenâr al chioll comand.
Ma, di grazie, Zenâr, crostu cun chest
Di fati larg, di sicurati il puest?
Tu t'ingianis, miò chiar! E je anchie Pie,
Dispetenade a usanze d' une strie,
Cun t' une muse simpri come un pan,
Rabiose tan' che un chiàn
Grintose, tarocòne, pretenziöse,
E malegraziöse,
Che cròd di uadagnà
Cun chell so mud di fa.
Ma invezze... vele là!
Butàde t' un chiantòn !!...
E par so cont no jè plui remission.
Oh se foss l'avertenze
Di un pochiute di grazie e di pazienze!

✠ 1 M. **Circoncision del Signor**

2 J. s. Macari ab.

3 V. s. Antero

4 S. s. Aquilin e comp. mm.

✠ 5 D. s. Telestero pp. m.

✠ 6 L. **Epifanie**

7 M. s. Giulian

8 M. s. Lucian — *Nascite de Regine* (73)

9 Lune Gnoye a oris 22 m. 15.

Ai Testarz.

La lune incaprizzade,
Testarde, e ' ul bati il pont par la so strade,
E ten al so comand buère e garbin,
E jù spediss a fa la malefin.
Uarde lune!... anchie jò vèvi un chiastròn
Che par il so poca gioldeve non;
Ma dài uè, dài domàn, peste, ten dūr...
Quan' che un biell di si ha rott il chiäv ta'l mur.

9 J. s. Basili. — *Muart di Vittorio Em. II.* (78)

10 V. s. Mauro

11 S. s. Igìn pp. m.

✱ 12 D. ss. Satir e Proto

13 L. s. Ilari

14 M. b. Duri Mattiüss

15 M. s. Pauli eremit.

Merchiât a Udin 16, 17 e 18.

16 J. s. Tizian

17 Prin Quart a oris 7 m. 38.

Lè simpri l'âfar de' pedoglose.

Cun rezimenz di nûl e sore nûl,
Che cuviârzin t'un lamp dutt il friûl.
Sirocc ven su dal mar a plantà uere
Quintri garbin e buere.
La lune se viôd brute, ma l'istess
Vûl che a ogni cost al vinzi il so interess.
E, dute quante in furie, no à padin,
Mo' è' dà rinfuarz a buere, mo' a garbin,
E tempeste, uerèzze, e batt, e dài...
Ma ze zové?! Cun dutt il so petài,
Cun dug i sici furors e la so fuarze,
In ultin seugne istèss piàrdile marze.

Eh lune, lune, se tu vess scoltât
L'avis del quart passât !
« Jò scoltati ?, la lune mi rispuind :
La fêmine murì, ma no si rind ».

- 17 V. Sant'Antoni ab.
- 18 S. s. Prische
- ✠ 19 D. ss. *Non di Gesù*
- 20 L. ss. Fabian e Sebastian
- 21 M. s. Agnese
- 22 M. ss. Vincenz e Anastasii
- 23 J. Sposalizi de Madone

24 Lune Plene a oris 1 m. 6.

Puar mond !

Régne sirocc, e sott il so guviar
L'è un clipp di paradîs,
E cun ch'est truce nus fas passà dei dîs
Senze quasi visassi che l'è inviar.
L'è un stocce, che capiss ; ma il mond l'è tâl,
Che uè e' han plui prèsi i stoes che nò il reâl.

- 24 V. s. Timoteo
- 25 S. Conversion di S. Pauli
- ✠ 26 D. *Settuagesime* — S. Policarpo
- 27 L. s. Zuan Grisostomo
- 28 M. Oraziòn te l'ort
- 29 M. s. Francese di Sales
- 30 J. s. Martine

31 Ultim Quart a oris 14 m. 9.

Uèlin i fàzz.

Zenâr al mur seren e cujetin.
E cun cheste tal-qual so conversion,
Lassand indâz i siei maltràzz di prin,
Zenâr al spere di lassà un bon non.

No sai!... Auchie Simòn
L'è muart cu 'l Crist in man;
Ma tant e tant chest e chell pûar chian
Imbrojâz da Simòn vite durant,
Disin di lui dutt'altri che al' fò un sant!

31 V. s. Giulio predi.

FEVRÂR

Jeve il Soreli a oris 7 m. 14 — Tram. a oris 16 m. 46.

- 1 S. s. Brigide
✠ 2 D. **Purificazion de Madone** — *Sessagesime*
3 L. s. Blâs
4 M. *Passion di G. C.*
5 M. s. Agate
6 J. s. Zoilo
7 V. s. Romuald

8 Lune Guove a oris 14 m. 22.

Questiòn di... carâtar.

A Seff al par che al ledi un mond di ben
Che Fevvar cu la lune al monti in scene
Spudand par dutt velèn — a bochie plene;
In quant che lui al dis che fevvarütt,
Essind il piês di dütt,
Par carâtar j' tochie a fa il birbant:
E il carâtar, second la so morâl,
E jè dé l'om la dote plui important.
Nuje plui natural
Che Seff al vèvi cheste opiniòn,
Parzè che a Seff, cul truce di sta in caratar,
I' va ben di fa simpri il roseòn.

- 8 S. s. Carulinc
✠ 9 D. *Quinquagesime* — s. Paulin
10 L. s. Scolastiche
11 M. S. Gione prof.
12 M. *Prin di Quaresime* — s. Vito

Merchiat a Udin. 13, 11 e 15.

- 13 J. s. Eustochi
14 V. s. *Corone di Spinis*

15 Prin Quart a oris 15 m. 57.

Benedete la pàs !

Febrâr si à morentât :

E nus regale un timp di raritât.
Al è cidin e un tépid che al console ;
Come a traviars di un veli,
Pa'l nul passé une spère di soreli
Che al mett in moviment dutt il creât :
La jarbe ingrisignide
E' drèzze la pivide,
E pa-i rivai e' spunte la viole :
Zibischin i uceluzz, e snidiâz
Svòlin pa-i chiamps pa-i prâz :
In - te' stale l' arment
Al mungûle impazient, — e dulintôr
Si viod l' agricoltor
Che al jess e senëos si dischiol vie.
Oh ze risvei di vite, ze ligrie !
Cussì l' è il nestri spirit : quand che al soste,
E al si rimett in pàs e caritât
Dopo di une batoste,
I' par di tornà a vivi e al è beât.

- 15 S. s. Faustin
✠ 16 D. *Prime D. di Quaresime* — s. Millie
17 L. s. Crisanzian
18 M. s. Claudio

- 19 M. ss. Martirs Giaponês — *Timporis*
20 J. s. Nemesi
21 V. ss. *Clàuz del Signor* — El. di Leon XIII - *Timp.*

22 Lune Plene a oris 11 m. 3.

Al stizz no comude.

Al ven su da garbìn un blecc di nùl,
E al scomenze la ronde pa' l friùl.
Al dà dal nàs tes monz, in tè' marine,
Pa' l plan, su la culine :
E urte cà, sburte là,
E tiro, e môle, e soffe e peste, e dai,
E a fuarze di petài
Il cìl s' inturbidiss, nass un velèn,
E fur i vinz, scoménzin a sbufà,
A tirassi pa-i ding, a uerezzà,
E.... adio biell cìl serèn...
Ma zitto !! Qualchidùn al stuarz il nàs :
Puarins ! il fatt del blecc di nùl nò-us plàs ?
Capiss ! al urte mässe e in ogni lùc
Il nèstri bon mistir di stizze-fùc !

- 22 S. s. Margarite di Cortone. — *Timporis*
23 D. s. Isabele
24 L. s. Matie ap.
25 M. s. Matilde
26 M. s. Pieri Orseul dose
27 J. s. Alessandri m.
28 V. s. Sindone — s. Rufin.



MARZ

Jève il soreli a oris 6 m. 28 — Tram. a oris 5 m. 31.

1 S. s. Pieri Damiàn

2 Ultim Quart a oris 11 m. 39.

L'in d' accordo cul timp

L'è timp plojôs e cu' l mudà de' lune
No' l'ha nissune idee di fassi mior;
Vere imagin del om che, simpri in-t' une,
No' l càmbe mai la pene del dolôr.
L'è timp plojôs, e se in un altri quart
Al si farà seren,
L'è figure del om che dopo muart
Al cambie il mâl in un eterno ben.

- ✠ 2 D. II. Dom. di Quaresime — Nascite del Pape (10)
3 L. ss. Agape, Chionle e Irene mm.
4 M. 3. Casimîr
5 M. s. Marziàn
6 J. s. Colette
7 V. ss. Plâis del Signor — s. Tomàs
8 S. s. Zuàn di Dio
✠ 9 D. III. Dom. di Quaresime — s. Sinago

10 Lune Gnove a oris 3 m. 50.

Dipend dal savè fa.

Garblin cun t' un soflett sutil, sutil
L'ha in t' un moment fatt pulizie del cil.
Mariane e' ha dutt il di la scove in man,
E istèss e' ha simpri ator di se un ledàn.

Chest al vûl di che il mud di fa in chest mond
L'ha un valôr diferent senze confront.

- 10 L. Ss. 40 Martires
- 11 M. s. Costantin
- 12 M. s. Gregori pp.
- 13 J. s. Nievevoro m.
- 14 V. s. Matilde
- 15 S. s. Eliodoro

16 Prin Quart a oris 23 m. 13.

L'è il diàul là che màncul si crod.

L'è tèpid e serèn,
S'incontre d'ogni bande buine ciere;
Disin che dutt lei ben
Par un ingress solen di primevere.
No sai!.... 'o hai quasi mieze opiniòn
Che là chell nuvolàzz
Plantât dâur la mont San Simèon
Al stei in squindòn imbastind su un burlàzz.
Saressie maravée? No isal Marcell,
Che simpriquand che al fâs dutt bon, dutt biell,
Co' l'è dutt smorfiezz, dutt compliment,
Al prepare par sott il tradiment?!

- ✠ 16 D. *Dom. di Passiòn* — s. Ilari
- 17 L. s. Patrizi
- 18 M. s. Anselmo
- ✠ 19 M. s. **Iosef**

Merchiât a Udin ai 20 e 21.

20 J. s. Cirilo

21 jentre *Primecere* a oris 14 m. 6.

- 21 V. *La Madone dolorade*
- 22 S. s. Benvignud
- ✠ 23 D. *Dom. Ulive* — s. Otòn

21 Lune Plene a oris 1 m. 21.

Benedete Primevere !

Sestu cà, Primevere ? Ah, benedete,
Dopo tant timp che il piar miò eur ti spiete !
Ven cà, ven cà, ninine,
Spassize pe' campagne,
Dal plan a la culine,
Dal mar a la montagne.
Spassize, benedete !
Te' eise e te' boscheto
Fâs nâssi l'ombrenûl ;
Spassize, e jârbe e rôsis
Va sparnizzand pa' l prât ;
Spassize, e cu' l to flât
Tôrne a clamà in friûl
Cisile e rusignûl.
Spassize, benedete !
L'è tant chè si ti brame,
L'è tant che si ti spiete !
Spassize ; la taviele
Che torni a fâssi biele ;
Che torni a sêi in ligrie :
Jê stade cussì grame
Fin che tu fòris vie !...
L'ere come un desert :
No un flôr, no un fil di verd,
Dutt sece e dutt sfueât,
Dutt zitto, dutt glazzât...
Ah ven, ven cà, ninine,
Slargiti pe' campagne,
Dal plan a la culine,
Dal mâr a la montagne.
Cu' la to prime viole
Tu sês come la Fede,
Che torne a dà la vite e la console.

- 24 L. s. Gabriel Arc.
- ✠ 25 M. Anunziation de' Madone
- 26 M. s. Teodosi
- 27 J. s. Nicodemo
- 28 V. s. Sist pp.
- 29 S. s. Second
- ✠ 30 D. **PASCHE**
- ✠ 31 L. s. Benjamin.

AVRÎL

Jève il soreli a oris 5 m. 40 — Tram. a oris 18 n. 20

I Ultim Quart a oris 17 m. 24.

Bausis di zornade.

Cum t'une bieie ciere — e une maniere
 Che inchiàntin di prin tir
 Il quart an fâs là in zîr — di curiôsis.
 E' disin par esempi, che Grivôr,
 Zujador disperât, sei fat un sior.
 Disin che Zuane e Tonic invidiosis,
 Tant di selopà se ha ben la puare int,
 E' si van ingrassand a voi vidiut.
 Còntin che sior Zenâr,
 Baradôr di cartell e bausâr,
 Al gioldi opinion
 Di galantomenòn.
 Fevelin che Ananie,
 Patentât par l'odiôs mistir di spie,
 Si lu cîr, si lu vûl — da miezz Friûl.
 Che Zuanmarie, sòrdit aguzin,
 Vêi tirât fur da i stenz un puarin.
 Che Crispin, senze cûr, senze frât,
 Al ha vajût per un disgraziât.

Che il vechio Casimir,
Creditôr e afariste di mistir,
Si dismentee di spess
Di scuedi i siei interòss.
Che Mènie... Ma ze mai! Al è diband
Di là continuand
Cun cheste filastrochie.
Uè no m' in s' infenochie!...
Uè no'n s' in dis di veris une in mil,
Parzè... parzè che uè l'è il prin d'Avrill.
Chiape, mond imbezil!...

1 M. s. Ugòn

2 M. s. Francese di Pauli

3 J. s. Abòndi

4 V. s. Isidoro

5 S. s. Viecz Ferèr

6 D. s. Guglielmo — *Dom. in Albis*

7 L. s. Ernau

8 Lane Gnove a oris 14 m. 50.

Ze bruzz confronz!

Viòd ze combinazion! — Li t'un eisòn!
Al ehiant il rusignûl la so canzon:
Là pognett ta 'l patùss — al rone un muss.
Chell ueclutt, puarin, tant pitinin
No calcolât, che al viv a l'arie, e apene
Di qualche viarnessutt, qualche muschin,
E scuindût al dà fûr che cantilene,
Ze tant che al è zintil, ze tant ninin!
Chest' altri, un bocognâtt, fuart e pelôs,
Passût di fen e vene,
Riparât t'une stanze, morbinôs,
Furnît e strighiât,
Che al puarte in societât

Une ciarte importanze pa 'l so stât,
Co 'l viarz i ding e al rone,
L'è il dispetôs e l'oreul in persone.

'O chiati un pûar meschin, — un contadin,
E san jessi cortês.
Chiati un siôr, chiati un cont, chiati un marchês
E son tre mascalzons.
Viôd ze combinazions !!

- 8 M. s. Dionigi v.
- 9 M. s. Acazi
- 10 J. s. Apoloni
- 11 V. s. Leon I Pp.
- 12 S. s. Zenòn
- ✠ 13 D. s. Gildo re
- 14 L. s. Justin

15 Prin Quart a oris 6 m. 26.

Il biell no 'l cuinze.

Il timp dal lamp al ton
L'ha fatt un ribaltòn
E al è dutt sirocôs, — dutt fumatôs,
E dà jù une plojute fine, fine
Che, a dì il vêr, jè ün mond buine
Pa-i orz, pa-i semenâz.
E massime pa-i prâz.
Ma Zuane è malcontente, — e si lamente
Che, in pen di chest paschiell,
I' leve mior il timp co 'l jere biell.
Zuane? Ah pûare Zuane!
Cumò che no è plui biele e jè vedrane,
Farèss mior a tasè;
Parzè niim miôr di jè
Sa che, in plen feveland,
Nome cu 'l biell e' no si va indenant.

- 15 M. s. Valerian
- 16 M. s. Calist
- 17 J. s. Anicet
- 18 V. s. Galdin
- 19 S. ss. Erminie e Gemme
- ✠ 20 D. **Patrocini di s. Iosèf**
- 21 L. ss. Silvi e Laure

22 Lune Plene a oris 19 m. 50.

Ze razze di Lunis!

Es disenûv, pacifiche, serene
Entre la lune plene.
Ma chialàit al contrari:
Mentri la lune plene del lunari
E' càpite ogni mès,
E cheste volte, par di pluì, tant buine,
An-d'è di chei, di chès,
Come, par dintint doi, Cece e Catine,
Che han lune plene dutt il timp de l'an,
E anchimò rabiose come un chiàn.

22 Ecliss di Lune da oris 16 m. 50 a oris 22 m. 55.

Merchiât a Udin 22, 23 e 24.

- 22 M. ss. Soter e Caio mm.
- 23 M. b. Eline Valentinis — s. Zorz
- 24 J. s. Fedèl
- ✠ 25 V. s. **Marc**
- 26 S. ss. Clet e Marcellin
- ✠ 27 D. s. Pelegrin
- 28 L. s. Teodore
- 29 M. s. Pieri Martir

30 Ultim Quart a oris 23 m. 58.

L'è miôr del ùmin.

Avril al jèss, e intant sore il Eriûl
Al passe un bâr di nûl,

E ben fasind viazz lasse colà
Qualchi gote di ploc ze chi ze ca.
Son làgrimis di Avril,
Che, ténar e zintîl,
Al si comôv di dûl
Par bandonà il Friûl.
Grazie del to bon cûr!
Mandi, biell mès florît!
Mandi!! Tu, cortesan,
Tu tòrnis un altr'an;
Ma se jò intant j' mûr,
Là che 'o soi sepelit
Besôl e senze amors,
Ven a fa nàssi i flors.
Ven! che pietôs e chîar l'è chell riguard
Che al va di là dè muart.

30 M. ss. Catarine e Sofie.

MAI

Jeve il soreli a oris 4 m. 52 — Tram. a oris 19 m. 9.

- 1 J. ss. Filipp e Jacum
- 2 V. s. Anastasi
- 3 S. Invenziòn di S. Crôs
- ✠ 4 D. s. Florian
- 5 L. s. Pio V
- 6 M. s. Zuan Damascèno

Rogazions
Rogazions

7 Lune Gnove a oris 23 m. 45.

Mond sporc.

Zighin par dutt: « oh ze biell mès di Mai! »
E' ripin lis chiavàlis, i chiavai;
Vachis e bûs fâsin di cuars; i giai

E' chiàntin e' barúfin plui che mai;
Rónin i muss; e' rügnin i pureci;
E, land in dam, fàsin saltezz i agnei;
Uàchin i chians, e i giàzz
Sgnaòlin pur lis giàtis come mazz;
Lis bestis d'ogni sorte, la nature....
L'è dutt in bulidure...

E il mond fra tante frac

Va ripetind: « Oh ze biell mès di Mai! »

Uh mond, mondatt canae!!

- 7 M. s. Eufrosine
✠ 8 J. **Scense di G. C.**
9 V. s. Gregori
10 S. s. Gordian
✠ 11 D. s. Pancrazi
12 L. ss. Emme e Domitille
13 M. s. Modeste

Rogazions

14 Prin Quart a oris 14 m. 40.

Che si chial se!

Ca al plûv, ma in mont al devi neveà,
Parzè l'è un ajarin tropp tacadizz.
E sior Matie al fàs il finimond
Par ve rese di cont
Su la resòn che da pôs agns in ca
La primeverè e' jè tant sbelanzade.
Ze uèlial, sior Matie, ve chesg caprizz!..
No isal lui che uno volte al steve in strade,
E uè in ciàrtis stagiòns,
In ciàrtis ocasions,
Al ven tant stravagant e cussì trist,
Che no'l po' ve la pâs nanchie cun Crist?!

- 14 M. s. Bonifazi
15 J. s. Torquat

- 16 V. s. Màssim
17 S. s. Pasquàl
✠ 18 D. **Pentecostis**
19 L. s. Celestin
20 M. s. Bernardin
21 M. s. Filiz

Timporis

22 Lune Plene a oris 11 m. 46.

Dutt dipend de intenziòn.

Il timp selarit si rife del prin quart,
E dug lu benediss :
Si rife Tite cuintri il tiarz e il quart,
E dug lu maludiss.
Juste ! parzè che il timp lu ha fatt in ben ;
Tite lu fàs par nòsi e par velèn.

- 22 J. s. Roman
23 V. s. Isidoro contadin
24 S. Madone Ausiliatrice
✠ 25 D. **SS. Trinitàt**
26 L. s. Filip Neri
27 M. s. Madalene
28 M. s. Ubaldo
✠ 29 J. **Corpus Domini**

Timporis
Timporis

30 Ultim Quart a oris 13.

L'ingian de Scove Gnove.

Al táche l'ultim quart cun gran calôr,
Po', dopo un par di dis,
Al jéss un tice di buere,
E daur végnin su nui passuz e gris
Che van vie vongolansi pe' atmosfere,
Po' chei nui fra di lór
Si unissin, — s'infuartissin,
Jemple ca, ingrume là,
Principie a gutignà,

A la basse e' si sint a mungulà,
In mont plûv a dirott....
Insune jè finide eul timp rott.
Cussi l'è qualche muss, che tacât sott,
Ronând e di cariere,
Come un colp di canòn, — jèss dal portòn.
Ma fatt apene un tratt di quart di mie,
Al piard la vigorie,
Al stente a là indenant.
Po' al scomenze ogni tant a là sostand,
Infin, al mole il chiâv a pendolòn,
E no' l môv nanchie un pass senze il bastòn.
E scóvis gnovis sèrvi la leziòn.

Merchiât a Udin 30 e 31.

30 V. s. Basili
31 S. s. Cancian.

JUGN

Jeye il soreli a oris 4 m. 20 — Tram. a oris 19 m. 40.

- ✠ 1 D. s. Jacum Salomòn
2 L. s. Guido
3 M. s. Paule
4 M. s. Quirin
5 J. s. Bonifazi

6 Lune Gnove a oris 7 m. 11.

Pa-i Poltrons.

Uè di matine es siett
E' jè fate la lune.
E cumò che al imbrune — è lade in jett.
E cum ch'est truce la gnott restarà seure,
Seure di fa paure,

Deserte e senze vite...
Come la chiasse di Anzule e di Tite.
Al manchie il uèli e il sâl, senze farine,
Senze lens di cusine,
No' un becc di carantàn,
Clòstris, garbùis... domàn, passat domàn
E' no sarà plui nanchie la chialderie;
Nome rude miserie.
Ma il mond al dis che Tite e la so siore
E' jevin tard e van in cuzz a-d'-ore.
Eh il proverbi al è clâr;
No si po' chiapà pèss quand che si duâr.

- 6 V. ss. *Cur di Gesù*
- 7 S. s. *Geremie*
- ✠ 8 D. ss. *Cur di Marie*
- 9 L. ss. *Prin e Felizian*
- 10 M. s. *Zacarie*
- 11 M. s. *Barnabe*
- 12 J. s. *Cirine*

13 Prin Quart a oris 0 m. 51.

Jè Tristèrie.

'O sint che in qualchi part
E' mòrmorin pa 'l sutt — che i' bruse dutt;
Altris e' vâin il muart
Pa 'l dam e par la noe — de' massé ploe;
An-d'è di rabîos come danâz
Parzè son tempestâz;
An-d'è di malcontenz, — plens di lamenz
Pa 'l chiarbòn, o pa 'l rùzin dei formenz;
Cui si lagne pe' siâle che è falide;
Cui pe' blave sutile e malunide;
Cui pa 'l fen che an-d'è pôc; cui pes ortâis,
Par lis pómis, pes vignis... Uh canâis !!

'O chiali atôr e 'o viôd par la gran part
Belanzâz, che mai miôr, soreli e ploe,
No burlâzz, no tempieste a fa di tuart,
E campagne che fâs la biele voe.
Pûr fra chesg fortunâz, fra tang di lôr
No 'n d'hai innò sintût un
A lâudassi e benedi il Signôr.
Ah curâtt, ah lengate del mortâl,
Al pâr che propri no 'olês fa che il mâl!!

- 13 V. s. Antoni di Pâdve
- 14 S. s. Eliseo
- ✱ 15 D. s. Vit
- 16 L. s. Aurelie
- 17 M. s. Ciriace
- 18 M. b. Gregori Barbarigo

Merchiât a Udin ai 19 e 20.

- 19 J. s. Gervâs e Protâs
- 20 V. s. Silveri

21 Lune Plene a oris 3 m. 17.

Cui che al vose no 'l nôs.

Fra miezz a lamps e tons,
Cun vinz e seravazzons,
Travanât di sudôr, dutt scalmanât,
Tirât su in comedôn, dispetorât,
Come une bissabove, al jentre istât.
E par dutt l'è un spavent, — un clâud trement!
Cui si sfadie a inclostrâ puartis, balcon,
Cui al côr a sunà, cui bruse uliv,
Cui barbôte orazioni,
Cui vòse, cui l'è mutt plui muart che vîv,
Cui blesteme, cui vai;
Un mismâss, un dâi dâi,...

Olà, razze di stupiz, fa tant chiass
Parzè che istât si mostre un pôc smargiass?
Jò pluitost mi scompon par qualche plaç...
Chè pal sòlit al muard chiàn che no 'l bae.

21 S. s. Luigi Gonzaga

22 Istât a oris 10 m. 15.

- ✠ 22 D. s. Paulin
- 23 L. s. Lanfranc
- ✠ 24 M. s. **Zuan Battiste**
- 25 M. s. Eurosie
- 26 J. s. Lise
- 27 V. s. Vigili

28 Ultim Quart a oris 22 m. 52.

Lêghe che no finirà.

Toni aguzin famôs — e invidiôs
Saltât fur sul balcon uè di buinore,
Steve chialand l'aurore
Che iscrive risplendent
A puartà un ultim quart di raritât
Par madurî il foriment.
Ma intant sirocc stizzôs — e dispetôs,
Volind da prepotent sei nome lui,
Mungulave a la basse, e dutt sglonfât
Di nûi e sòre nûi,
Cun-t'-une bojadizze maladete
Vignût su a butintôn,
Moland ca qualche ton, — là une saète,
Al minazzave di servî di fieste
Dutquant il pûar Friûl cu' la tempieste.
E Toni dutt beât, batind lis mans,
Previdind la miserie dei furlaus

Che 'j varess ingrassât il capitâl,
Al benedive i squarz del sirocâl.
Oh quand la finirae
Che i malintenzionaz e' sèin di fràc ?!!

28 S. s. Leon Pape
✠ 29 D. s. Pieri e s. Pauli
30 L. s. Marziàn.

LUI

Jeve il sorell a oris 4 m. 15 — Tram. a oris 19 m. 35.

1 M. s. Domiziàn
2 M. Visitaziòn de Madone
3 J. ss. Procèss e Martinian
4 V. s. Uldàn

5 Lune Gnove a oris 4 m. 15.

Lis bissabóvis no plásin.

Che al viodi, mi diseve nè une tizie,
E ze calme stupende, ze delizie!
Che al viodi chò tavièle
Sott il soreli ardiut se è mai pôc biele !!
Chês blavis e chei prâz,
Come un mâr di verdure;
Chei chiamps mitûz da gnuv in aradûre,
Cul cinquantin che al nâss, miezz sverdeâz;
Chês vignis cu-i filars
Tramezâz di pomars — duquang chiamâz.
Par âjar, te' chiarande,
Su-i ârbui, te' boschete,
Ciâlis e ueci che chiântin d'ogni bande;
E chell fil cortesan di baveselo

Che, come une chiarezze, po' taviele
Al còr vie svintuland
Par che il calòr e' no 'l sei masse grand;
E chè agúte corint
Che tra lis spuindis e' ven jù cujete
Che apene si la sint,
Come che fasèss plane par no dischiòli
Dal spetàcul famòs l'orele e il voli.
Oh ze calme stupende! ze delizie!! »
I' plàs, no', siore Tizie?
Capissie mo' cumo parzè che jè
Nissun la po' vedè?
Parzè cui che la prove
In pen di calme al ha una bissabove

- 5 S. ss. Cirilo e Metodio
✠ 6 D. *Prez. Sang di Gesù*
7 L. s. Edde
8 M. s. Elisabete
9 M. s. Letizie
10 J. s. Rufine
11 V. s. Ciro

Prin Quart a oris 13 m. 47.

L'è di just che al provi a sei minchionat.

Sglonf il fiât di voc
Di ve' un tantin di ploc,
S'imbestialiss Sior Dree,
Parzè il quart da tre dîs al fumatee,
Al mostre sirocâl,
Si nûle biell-a-uâl,
Scomenzo a pluvignà,
Po' d'un moment a l'altri, sul plui biell,
Al jèss un arisell
Che simpri la finiss cul serenà.

Chiar sior Dreute — cun che so musute
Plajöse, religiose,
Cun chè bieie bochiute,
Chè vòs armonjose,
E cun che so lengute
Spedide, smorfiosute,
Che al sa metile dute
Par fàssi viódi un sant,
E invezze al è un birbant ;
Che al disi mo', sior razze buzarone,
Próvial il gust eu 'l timp che lu minchione ?

- ✠ 12 S. ss. Ermacore e Fortunât
✠ 13 D. s. Sare
✠ 14 L. s. Bonaventure
15 M. ss. Rieo e Faustin
16 M. Madone del Carmini
17 J. s. Marin
18 V. s. Fedri
19 S. s. Vincenz di Pauli

20 Lune Plene a oris 17 m. 45

Tiare e cil.

L'è un elâr di lune come un di ; pa 'l cil
Lis stelis e' cimiin a mil a mil.
Tra il folt in-t' un cisòn,
Lì in fazze al gno balcòn,
Al chiante un rusignûl
In chè so cantilene di fa dûl.
Dutt il rest l'è cidin ;
No pàsse nanchie un' ale di muschin ;
E sott de' la magnifiche scelaride
E' polse la nature indurmidide.
Jò 'o ziri i voi par la stupende scene
Di lune plene :
'O viod il pozz, la glesiute, il tor,

La canòniche dongie, e dutt atôr
Ingrumât il pais, la patrie me.
E ta 'l miezz la plazzute, e po' da jè
Lis strâdis che van vie,
Vie pa' i chiams e par la pradarie.

Ogni clapp, ogni plante, ogni figure
E' son lì da tang agns
Senze mudâssi mai, simpri compagns,
Come ómbris del passât
A tignimi sveât
Il pensir di ché vite, oh ze tant bie!e!
Co' ieri pieinin, co' lévi a seuele
Cu' l'anime inocent, — cul cûr content;
Co' entrât in zoventût, plen di speranze,
Plen di spirt, di baldanze
Levi incuintri al futûr, e tra di me
'O me lu figuravi..... cui sa ze!

Oh clâss, oh plantis, oh figûris mês....
Voaltris sôlis e' sês
Restâdis fêrmis in-ta 'l nestri puest;
Dutt l'è mudât il rest!
Jò soi fatt quasi veechio, e in compagnie
Duquang son invecchiâz,
E un pôs lâz vie lontans, part cambiâz,
E tang benzà manchiâz!
Piardût vigor, piardude ogni ligrie,
Restât di bott besôl, stracc, malcontent,
'O mi difind a stent
In chest combatiment.
Fra guâis é mai, cu' l'pid dongie il segrât.

Oh eil, oh eil stelât,
Guâi se no foss la Fede
Che parsore di te — nus fâs vedè
Une patrie, un Signor; e dongie Lui
Il puest anchie par nò, dulà che jè
Vite beade, e che no cambie plui!!

- ✠ 20 D. ss. *Redentôr*
21 L. s. *Giulie*
22 M. s. *Madalene*
23 M. s. *Apolonie*
24 J. s. *Cristine*
25 V. s. *Jacun ap.*
26 S. s. *Anne*
✠ 27 D. ss. *Pantaleon*

28 Ultima Quart a oris 6 m. 15.

Il gri avostàn che al dà leziòn.

La gnott s' imbrune, e par i chiamps si spand
La vôs del gri avostàn.

Ti ringrazi, grilutt, che anchie ch'est an

Tu vègnis eul to chiant,

Quasi savind che ti ami, — a saludâmi.

E' tu sês, pûar niùn; — tant pitinû;

Niùn ti bade, e tu istess, fra lûs e seür.

Seuindût in-ta 'l fuecâm, tu vâs fasind

Chell malineconie strid, che co' lu sint

E' m' indoleiss il cur.

Anchie jò soi cavie

Plen di malineconie, — sol, come un chiàn,

Senze che un cur uman

Dedi par me un suspir,

Senze une vôs amie, — senze un pensir.

'O lavori e 'o patis, e niùn si cure;

Ramengo pe' campagne.

Voi disind lis mês pénis, i miei mai;

Ma al pûar miò cûr, che lagrimand si lagne,

Nissun rispuind, e inutilmentri al vai.

Tu sôl par l'arie seure,

In-ta 'l foltum seuindût.

Come sudiziôs — del mond ledrôs,

Tu mi mândis chiantand il to salut.

Oh grazie, chiâr grilutt, de cortesie!

L'umanità des voltis no capiss
Il fràdi so che al pene, e no si uniss
Cun lui ta 'l so dolor.
E si chiate un leàm di simpatie,
Al pàr un dül, un sentiment di amôr,
Tes púaris bestis, che cu 'l sôl istint,
Son tantis voltis miôr di ciarte int.

28 L. s. Nazari

29 M. s. Marte — *Mart di Umberto* (900)

30 M. ss. Abdon e Sennen

31 J. s. Ignazi

AVOST

Jève il soreli a oris 4 m. 38 — Tram. a oris 19 m. 22

1 V. s. Pieri in Vinci

2 S. s. Alfons de Liquori

3 Lune Giove a oris 21 m. 17.

Il svantòn.

La lune e' ha volùt fa une improvisade,
E di gnott e' molà une slavinade
Che ha rinfreschiât e fatt un mond di ben.
Uè l'è di gnûv serèn;
E la lune, fasind di no sei chè,
Come che no vess fatt un tant plasè,
E' continue a là vie par la so strade,
Senze dà un cice, filade...
Dutt al contrâr di Zuàn,
Tègne, boriôs, vilan,
Che se al môv mai un dèt par un putarin,
L'ha se sunà la trombe senze fin.

- ❖ 3 D. Invenzion di S. Stieftin
- 1 L. s. Domeni conf.
- 5 M. Madone de Nèv
- 6 M. Trasfiguraziòn del Signor
- 7 J. s. Gaetan
- 8 V. s. Ciriaco e comp.
- 9 S. s. Camilo
- ❖ 10 D. s. Lurinz

11 Prin Quart a oris 5 m. 21

I voi no uèlin nanchie àghe.

Cussi par gust, intant — che stin spietand
Che pa 'l prin quart si meti in sest la lune,
'O uèi contàusint une
A propòsit de' Glèsie d'un país
Che si screarà chesg dis.
Fabio se lè ha impensade;
Noni le ha disegnade
E po' le ha lavorade;
Zanèto decorade;
Vigi j' ha dât sculpture;
Mondo de' architettüre...
E Mondo, Noni, Vigi, Nard e Zuàn
E' son il flôr de l'artistùm furlan.
Epûr... l'è un gran ze di, gran critichezz:
«Tropp lavôr, còmun pœ, masse segrèzz;
Contrast tra fûr e interno;
Il stil masse moderno;
La forme mataràne;
La mobillie del coro, lis portièris
Robe di gust pesant;
Fereàdis e ringhièris
Fur di lûg e di gènar stravagant;
I altars idee profane,
E po' ze fa di tang,
E fāju cussi grang!

Fra chest luss al volèvo il pavement
Di marmo e nò in cement;
Lis pituris, sporehèzz,
Plènis di difiezz;
Lis stâtuis... ma parzè tante sculpture?
Coloridis, fasèvin plui figure;
Miôr un sôl tocc di pierre, che tant zèss,
E' jò nòme impusture;
Senze chest chiàss vignive ben l'istèss,
E forsi... forsi miôr !..
Viòstu ze confusion?
Masse decoraziòn, — masse colôr;
Dute che note d'aur, dutt chell'arint
Fàsin sèee, tropp lusint... » Ah puare int !!!
Chest splendôr cussì viv e' no j' confàs
Chè han un patùss ta-i vôi che no ur dà pàs.

Merchiât a Udin 11, 12 e 13.

- 11 L. s. Susane
- 12 M. s. Clare
- 13 M. s. Cipriàn
- 14 M. s. Eusebi
- ✠ 15 V. **Assunzion de Madone**
- 16 S. s. Rocc
- ✠ 17 D. s. Gioachin
- 18 L. s. Milie

19 Lune Plene a oris 7 m. 3.

Il Mond l'è plen di chest genar di Nocenz.

« *Mors tua, vita mea* » dis sior Nocent
Stand a chialà la lune in orient
Che jèss trionfand, lusint
Nel mentri che il sorèli al va murind.
Mors tua, vita mea, dis anchie jò
Co' m'impensi di lui, sâel sior Nocent;
Lui che, quand che so barbe al lò cun giò,
L'ha vait e suspirât, ma di content.

- 19 M. s. Giacint
20 M. s. Bernard
21 J. s. Donât
22 V. s. Filibert
23 S. s. Filipp
* 24 D. s. Bortolomio ap.
25 L. s. Vico re

26 Ultim Quart a oris 12 m. 4.

I sbefâz.

L' ultim quart cun tre quatri blees di nûl
'Orèss fa une sbrocade sul Friûl,
E jessind debilott, par fassi fuart
Cu 'l brazz di qualehidun che j' dèi second,
Al va batind la trüsse d'ogni part.
Ma a l'alte tramontan e' no lu bade,
Parzè lò cu' la scove
A fa netisie in mont.
Buere dute in borèzz, inda arade
A parecchià la dôte e' lune gnove,
Ne si piard a dâi manchie une chialade.
A la basse siroce,
Che al è ridott pitoce
Senze ârmis nè gabai,
Cun cèi di disperât lu mande a trai.
Garbin l'è mässe fin, e al si vergogne
Di unissi a sbregotà cu' une carogne.
E cussì il quart, sorât — e squintiât,
Cu' la so pive in sace,
Al dèvi bati il tace.
Ze tang di lor compagns di chest prin quart!!
Sèfe è color de' nuart, — e cu' l sbelett
'Oress fa il so efiett.
Toni l'è un imbecil,
E cu' l savè dei altris l'ûl fa chiàss.
Meni al fâs il smargiàss,
Patt che lu apòin i tuarz, parzè l'è un vil.

Martin al è un scachit, — ingrisignit;
Pur eu 'l so frequentà lis compagnis
Phu àltis del pais,
E eu 'l dàssi un ciart ton
Chiolt su dal so paron,
Par che al disi: «chialàimi ze omenon!»

Jacume, Clare, Marte, Gnese, Ulive,
E un' altre comitive,
Son plènis di difièzz,
Ma a spèsis di slechèzz,
Di gâlis, di strièzz,
Di stics, di stomeèzz,
Di stoecs e di brojèzz,
E' intindin di sei lôr — forsi lis miôr.

Bastian l'è un pandolàtt,
Gobo, lung e sutil, come un stangiàtt;
Ma sott un chiapelòn
Tirât jù in stuàrt sui voi,
E in sachetin l'orloi,
Cun tante di chiadene a pendolòn,
Si eròd un del bon ton.

Denèl cu' lis finanzis l'è in disest;
Ma cu' i bèz chiolz a imprest
Al sflochie, al spind, al spand,
Mostransi un benestant.

Crispin l'è un aguzin.
Passût di chiamps e plen anchie il tacuin;
Ma, sior sì, che vistût dutt sbrendolôs,
Vivind piês di qualunque pedoglôs,
L'ul fa viodi di jèssi un puarin.

Pascuàl al è un pachioce,
Simpri plen, simpri chioce;
Ma sott la cuviartine
Che al fâs par midisine
Par un ciart mâl che al ha,
Che niün del rest lu sa,
Va e no va che al pretindi in societât

Di fàssi compati
Come un disgraziât
Che al seugne trionfà par no muri.
Bausarie patentade, — Furtunade,
Cu' la so mèl in bochie,
E' par la veritât co' te' infenòchie.
Gotard, strozzin famôs,
Si spazze par pietôs, — par generôs.
Parzè che in-ta 'i afars che al va tratand
Al tire pajament — di pœc par cent.
Pûâr ipocritat, piâr ignorant!
No 'l sa che il mond lu viôd a emplâ il bultrice
Continuamentri a spesis del mündice.
Pierantoni no 'l crôd nè in Dio, nè in sanz,
E par mè l'è un birbant sore i birbanz;
Pûr, cu' 'l bâti lis glèsiis e fa crôs,
L'ul vëndisi par just e religiôs.
Olâ, razze di finz,
Che voles fa figure
A spësis d'impusture,
Tignit a menz il quart
Che a pës dei quatri vinz
Olève fassi fuart!!
Lui l'ha chiapât la mûsse:
Voaltris ognûn us sòre, ognûn us seusse.

26 M. s. Zefirin

27 M. s. Eulalie

28 J. s. Augustin

29 V. Decolazion di s. Zuân

30 S. s. Rose

31 D. s. Raimond.



SETEMBAR

Jève il soreli a oris 5 m. 31 — Tram. a oris 18 m. 38.

1 L. s. Egidi

2 Lune Gnove a oris 6 m. 19.

Mostro !

Mi condolevi uè cun Sior Ambrós
Parzè che an d' ere un pôs
Che fasévin il fise par ve la ploe ;
Altris e vévin voe
Che il bon timp al duràss ;
Altris, seiróce sott tiare ;
Altris, del gran calôr ;
Altris, che al rinfreschiàss.
E jò fasevi viodi a di chell siôr
La condizion amare — del miò cûr
A dovè tigni dûr, — mandà indaûr,
E par fant un content — uastantint cent.
« Sâel ze che al ha di fa — par no penà ?
Siôr Brôs mi rispuindè,
Che al fasi come mè
C' o hai fatt il cûr pelôs ! »
Mi consoli cun lui ! Grazie, Sior Brôs.

2 M. s. Stièfin re

3 M. s. Eufemie

4 J. s. Pelagio

5 V. s. Lurinz Justinàn

6 S. s. Denel

✠ 7 D. s. Regine

✠ 8 L. Natività de Madone

Prin Quart a oris 23 m. 15.

Quintrì lis bandarólis.

Il prin quart, daûr i càlculi che jò hai fatt,
L'ha di vigni miezz matt.
Promèti ben la sere,
E la matine sei dutt turgulit :
Cumò chialde o cujete l'admosfere,
Di bott buere e garbin che fàsin lit :
Uè soreli che al bruse e schiafojazz,
Domàn slavin, burlazz.....
E intant l'è par duquant
Un mormorezz sul timp cussì incostant.

E jò inveze 'o mormòri
Di Marte, di Gregori,
Di Costantin, di Just,
Di Ermacore, di Gust,
Di Silvie, di Cristine,
Di Lise, di Marine,
Di Meni, di Gotard,
Di Lucie, di Bernard,
Di Erminie, di Justin,
Di Pieri, di Nardin,
Di Lucie, di Susane,
Di Bastian, di Zuane,
Di Eve, di Marceline,
Di Cancian, di Tine,
Di Suald, di Marcantoni,
Di Ghezie, di Jeroni,
Di Nard, di Zacarie,
Di Zorz, di Zuanmarie,
Di Cheche, di Martin,
Di Agnùl, di Valentin,
Di Paule, di Camile,
Di Jacume, di Lile,
Di Vigi, di Prudenze,
Di Pauli, di Fiorenze,

Di Anzule, di Zuantoni,
Di Aristide, di Toni,
Di Ursule, di Macàri,
Di Benedett, di Ilàri,
Di Pantaleòn, di Abèl
Di Sèff, di Gabriel,
Di Lazar, di Polonie,
Di Sabide, di Tonie,
Di Carlo, d' Isabele,
Di Sandri, di Rachele,
Di Orland, di Geremie,
Di Benjamin, di Pic,
Di Gnàzi, di Catòn,
Di Gàspar, di Simòn,
Di Gialie, di Mariane
Di Pierantoni, di Ane,
Di Bete, di Camilo,
Di Lìvie, di Cirilo,
Di Casimir, di Clelie,
Di Marceliàn, di Aurelie
Di Grazie, di Modest,
Di Sualde, di Celest,
Di Ernest' di Menighine,
Di Blanchie, di Betine,
Di Fabio, di Denèl,
Di Jacun, di Michèl,
Di Marc, di Clementine,
Di Bortul, di Perine,
Di Sante, di Pasquâl,
Di Stiesin, di Nadâl,
Di Fabiàn, di Gnese,
Di Brigide, di Sese,
Di Baldo, di Sofie,
Di Vico, di Marie,
Di Dore, di Clement.
Di Mario, di Nocent,
Di Albine, di Sulpizie,

Di Rose, di Letizie,
Di Pelegrin, di Giulio,
Di Luciàn, di Tulio.
Di Sefe, di Justine,
Di Toni, di Catine,
Di Adam, di Dorotee,
Di Eline, di Tadee,
Di Clare, di Vignude,
Di Berte, di Geltrude,
Di Vige, di Matie,
Di Lazare, di Lie,
Di Alfons, di Filomene,
Di Furtunât, di Nene,
Di Tiziàn, di Blàs,
Di Agate, di Tomàs,
Di Spiridiòn, di Malie,
Di Barbare, di Talie,
Di Nando, di Fedele,
Di Massimin, di Adele,
Di Bert, di Marculine,
Di Cece, di Caruline;
Di puars, di benestanz,
Di nobii, di vilans,
Di frùjebanes, di trisg,
Di contadins, di artisg,
Di stùpiz, di sapienz,
Di debii, di potenz,
Di sans e di malâz,
Di lâmis, di salâz,
Di légris, disperâz,
Di védui, maridâz,
Di vechios, di fantâzz,
Di sâvis e di mazz,
E di altris milions
De' razze dei sflochions,
Giûne d'implantons,
Giarnâzie di sgloufons,

Che, par divertiment,
E' müdin simpri lune,
T' un' ore an disin cent,
E no' n mantégnin une.

- 9 M. s. Dorotee
- 10 M. s. Nicòle da Tolentin
- 11 J. s. Zuane
- 12 V. s. Josef Calasanzi
- 13 S. I siett Durmieu e s. Orland
- * 14 D. Ss. *Non di Mario*
- 15 L. s. Nicomede
- 16 M. s. Cipriàn

17 Lune Plene a oris 19 m. 23.

Uadagns del impenitènz.

Prime di sei finit,
Setembar, pensât ben, si ha convertit.
Pieri, Pauli, Martin, Tizi e Semproni,
Chiatis piès del demoni,
E' van disint che si convertiràn
Il dì che muriràn.
Se chest succedarà
Intant nissun lu sa.
Anzi si po' benissim dubità.
Chell che in uè dug e' san,
L'è che in palme di man
E' si puarte Setembar d' ogni bande,
Par chè so cambiade cussì grande,
Che fâs a dug ligrie, a duquang ben
Cun chell biell cil serèn, — cun chè atmosfere
In pâs e chialde de' matine e' sere.
E chell che in uè dug san
Al è che i cinc champions
Pieri, Pauli, Martin, Semproni e Tizi,
Fissâz in-te' lis lor opinions,
Testarz in-ta' l lor vizi

Senze nè Dio, ne sanz, — tratand da chians,
 E' son cussì stimâz, — e tant puartâz,
 E tant desiderâz, — e tant amâz,
 Che, par sbrocassi il cûr,
 Ognûn j' dis daur:
 « Podèsiso danasi, chians e fur ! »


17 M. Stigmatis di s. Francese	<i>Timporis</i>
18 J. s. Josef Copertin	
19 V. s. Zenar m.	<i>Timporis</i>
20 S. s. Eustochi	<i>Timporis</i>
✠ 21 D. <i>Madone Dolorade</i>	
22 L. s. Fantin	
23 M. s. Sin	

21 *Autun* a oris 0 m. 55.

24 *Ultim Quart* a oris 17 m. 32.

Riquardand la Mame.

Cu' l' ultim quart Setèmbar e' nus mûr
 Dolcementri languind t' un biell tramont,
 Dug lu chiâlin, e a dug j' dul il cûr
 A viodi muribond
 Un mès tant bon, tant chiâr,
 Un mès che, daûr di lui,
 E' no nus lasse plui
 Che il desert e il silenzi del inviâr.
 Oh sante creature, che par mè
 Tu fôris Mame cussì buine e chiare,
 Nissim al po' savè
 Ze che hai piardût cul meti Te sott tiare !
 'O soi restât besôl, senze un confuart....
 Cu' l' muri Tu, par me duquant l' è muart !!



- 24 M. Madone de Mercede
- 25 J. s. Giulian
- 26 V. s. Gerard Sagr.
- 27 S. ss. Cosme e Daniàn
- ✠ 28 D. s. Venceslao duche
- 29 L. s. Michêl Arc.
- 30 M. s. Jeroni.

OTTUBAR

Jeve il soreli a oris 18 m. 19 — Tram. a oris 17 m. 40.

1 Lune Gnove a oris 18 m. 9.

Uèlin sudòrs.

Al è un plasè viodind par la campàgne
Duquante chè cucàgne
Di blave e cinquantin,
Di pòmis e di vin,
Che in grazie del inviàr cùl so rigór,
De primevere in flôr,
D'istât cu' i sici calors, — cu' i sici sudors,
E' puarte la risorse
De bochie e de' la borse.
Poltròn, che tu vorèssis dutt il di
Nome gioldi e durmì,
Chiale ator pe' taviele — e chiòlti seuele!

- 1 M. s. Alessi
- 2 J. Ss. Agnui Custodis
- 3 V. s. Chiàndit
- 4 S. s. Francese di Assisi
- ✠ 5 D. *Madone del Rosari*
- 6 L. s. Brunòn
- 7 M. s. Justine v. m.
- 8 M. s. Brigide

9 Prin Quart a oris 19 m. 21.

Pùar mai me!

Orland che j' vâin i voi,
Colò che al va in selauèzz cu-i sici zenòi,
Vige che j' bùin i cai,
Tin cu 'l so cuèll di pid che j' dül che mai,
Taresie ch' j' e' dismòte une dulle,
Pieri che al è sturnùt,
Sese che va in colìò,
Catine cu 'l convuls, che no' ha durmit,
Vigi che al ha la lune par traviars,
Mariute che urte i guars,
Disin che son segnài
Che il timp al devi fa qualche fracàss.
Ma invece jò che 'o sai,
E' no hai che opiniòn.
Il timp larà in seonquàss;
Ma nome pe' resòn
Che uè e' finissin i agns del pùar poete:
Parzè che è la disdete
Che quand che è une me fieste
Si mòv l' inliar intir a fa tempieste.

9 J. s. Nisio

10 V. s. Gereòn

11 S. s. Germàn

✠ 12 D. *Maternità de Madone*

13 L. s. Edoardo re

14 M. s. Calisto

15 M. s. Taresie

Merchiât a Udin 16 e 17

16 J. s. Fede

17 Lame Plene a oris 7 m. 1.

Tal sèi di Lui!

E' sin a l'epoche
Di S. Simòn
E passin lodulis
A butintòn ;
E intant il quart
Al ten cuviàrt
Il firmament.

E sior Tomàs
Gran chiazzadòr,
Dutt un velen,
Dutt in furòr
Al si lamente,
E prepotent
Al m' insolente
Al mi minazze,
Chè al ùl serèn
Par la so chiàzze.

Nuje serèn !
Anzi la plòc !!!...
E sior Tomàs,
Voe o no voc,
Al tegnarà
Ze che al sarà.

Cròdial par vè
Un po' di selope
Che trai, che cope ?
Par vè une mire
Che quand che al tire
No 'n fale une ?

E jò hai la lune !!!
E cu' la lune
E' si ha il podè
Di fant di bièlis.
Sì fas vedè

Dütis lis stelis,
Si ponz, si peste,
Si fas tēmpieste,
Si lāvin chiās,
Si rompin euēstis
Si plēin lis crēstis,
Senze riguard
Di fa di tuart
Sedi un sapient,
Sedi un potent,
Che al sei un grand,
O un benestant...

Ohe, sior Tomās,
Stuarzial il nās?
E' mi displās
Ma pur no sài
Propri ze fai.

Quand che no cōmude
Che vegni dade
Une muardade,
Si lasse sta
Di là a stizzà,
Co 'l duar sul stran
Un pùar chian.

17 Ecliss total di lune da oris 4 m. 18 a oris 9 m. 49.

17 V. s. Edvige ved.

18 S. s. Luche ev.

✠ 19 D. *Puritāt de Madone*

20 L. s. Zuan Canzi

21 M. s. Ursule

22 M. s. Emidi

23 Ultim Quart a oris 23 m. 58.

Guàl a òlè savè une chiarte plui del libri!

Al si ha sclarit, ma e rugne
Za da doi dis la buere;
Quand che al è sore sere,
Si bone, ma in so lûg al jèss garbin,
E al svintùle la gròtt tant freseulin,
Chè al è pericol grand di fa zulugne:
E Bòrtul l'è in pensir pal cinquantin,
Che innò no' lu ha madûr.
Magari piês par lui!
Se lu vess sèmenât cul numar plui,
No' lu varess cumò tant indaûr.
Ma Bòrtul l'ha un talent particulâr:
Cussì al fâs il contrâr
Di chell che fâsin dug, e cum ch'est trucc
I altris van indenant, lui a zirucc.

23 J. s. Severin

24 V. s. Rafael arc.

25 S. s. Crispin

26 D. *Madone di Grazie*

27 L. s. Evarist

28 M. s. Simòn e Giude

29 M. b. Benvignude Bojani

30 J. s. Saturnin

31 Lune Gnove a' oris 9 m. 11.

Nòme dolor.

Quintri lis previsions — dei slengazzons,
Buere e garbin e' han dât lis dimissions,
E al è restât in pîs
Un timp di paradis.
Epur ch'est'arie dolze, ch'est serèn,
Chês monz e che planure
Plènis innò di vite e di verdure,

Tante int che va e che ven — dute bèade
A tirà dongie i remasùis de' anade,
Chei ucelùzz che chiantin,... 'ste ligrie
Mi fàss malinconie.
Parzè che 'o voi pensand, 'o voi disint :
Chest timp come un arint,
Chest verd e chest foltùm
A cui hai confidât tang miei pinsirs,
Tang gusg e tang sospirs,
Doman, passât doman,
Sarà dutt un secùm, dutt un ledàn.

Piàr, piàr cur umàn,
Che tu vivis di amôr,
E sôl nel cur del om tu stàs fidant !
Cajù al periss duquant...
E si reste besòl cul so dolôr !!

31 V. s. Quirin.

NOVEMBAR

Jeve il soreli a oris 6 m. 50 — Tram. a oris 17 m. 8

- ✠ 1 S. **Dug i Sanz**
- ✠ 2 D. *I mutaz*
- 3 L. s. Just
- 4 M. s. Carlo
- 5 M. s. Elisabete
- 6 J. s. Vital
- 7 V. s. Prosdócim

8 Prin Quart a oris 13 m. 30.

Lis pretesis fur di lûg la piârdin.

Al regne sirocâl,
E Vige si lamente
Parzè, j' fas mâl a un câl.
Vige?! Cui la contente !!?
Tramontân e garbin
J' môvin il guarvin;
Te' buere ô' si risint
T' une crepe di dint;
L' arsura j' dà al zarviell;
E' ha flachie in timp di muell;
Soreli al nôs e' viste:
Se al è nulât jè triste;
Cu 'l fred s' ingrisigniss;
Il chiald è la scuniss;
Di di no po' sta su;
Di gnott no po' durmî :....
E li po' e' tire jû
Quintri chell del lunari,
Parzè no' i fâs vignî
Chell che j' è necessari.
Biele!! Uêlie che jò sei responsabil
Se jè jè une câie in plantestâbil?
E' si use câ di nô
A no dà colpe ai altris
Quand che la colpe è sò.

8 S. 40 Coronâz Martis

✠ 9 D. Petrocini de *Madone*

10 L. s. Teodoro

11 M. s. Martin V. — *Nascite del Re* (69)

12 M. s. Martin pape

13 J. s. Omobôn

14 V. s. Clement

15 Lune Plene a' oris 19 m. 6.

Simpri plès.

Daür il sirocc fràit del quart passât
Da qualche dì l'ò un vint dischiadenat,
Che pa' l' bagnum rugnind e sfolmenant
Al bruse e al sfuce duquant.
Püare la me tavièle
Che tu éris cussi chiare e cussi biele,
Che pa' i tiei ombrenûi, tant vulintir,
Poetand cul miò pinsir — vignivi a spass,
E cumò un pòc in di lade a patræss !
Imagine de vite,
Che un pòc e' volte è simpri pluì afflite,
Fin che cun pass stentât — e bandonât
E' rive ta' l' segrât.

- 15 S. s. Geltrude
- ✠ 16 D. s. Valerian
- 17 L. s. Gregori
- 18 M. s. Otòn
- 19 M. s. Elisabete vedue
- 20 J. s. Feliz — *Nascite Reg. Margarite (51)*
- 21 V. Madone de' salût.

22 Ultim Quart a oris 8 m. 47

No baste sei bóins.

Al è un timpütt dolz, dolz, ma timp di müfe.
Disin che al sèdi bon, ma tant al stufe.
Anchie Nard al è dolz come un bombòn,
E disin che al sei bòn ; — ma cu 'n dutt chrest,
Cun chell so fà mufòs e peolòn
No isal forsi indigest ?!

- 22 S. s. Cecillie
- ✠ 23 D. s. Clement pp. m.

Merehiat a Udin 24, 25 e 26

- 24 L. s. Grisogono
25 M. s. Catarine v. m.
26 M. s. Mâur
27 J. s. Virgili
28 V. s. Saturnin
29 S. s. Zuan de crôs

30 Lune Gnove a oris 3 m. 4

Par disgrazie, no si ôl cognóssisi.

Chialand di fur pa-i véris, e' lontane,
Cussì a la grossolane,
Viodint chell biell soreli, chell serén,
Al pararèss un quart di primevere.
Ma iscind fur, e chiatansi in ché atmosfere
Dute glazze e velèn,
E ché nature atôr
Dute muârte e squalor, — oh alore al par
Nûd e crûd chell che al è, un ver quart d'inviar.
Cussì son ciars vedrans,
Che, come Toni, vèchios, earampans,
Vorèssin fa i sbregózz, — i zovenózz.
E dug imbocolâz, — dug maltecâz,
In fin che son lontans, fra lûs e scûr,
Rivin a imbrojà il mond, se puàrtin fûr.
Ma quand che son vizins, di bell misdi,
E che si jû viod ali
Cun ché piell ingrispade, sglereâz
Gris, rûzins, sdenteâz.....
Ze zóvin impustûris? — Son figuris
Che niun lis chiolarèss
Nâchie a doi carantans!
Nâchie par interèss !!...
Ah pûars i mièi vedràns! puars barbezuans!
Ze tant che al saress miôr
Se si spazzass ognûn pa 'l so valôr!

✠ 30 D. *Prime d' Arent.* — s. Andree.

DECEMBAR

Jeve il soreli a oris 7 m. 35 -- Tram. a oris 16 m. 12

- 1 L. s. Nene
- 2 M. s. Cromazi
- 3 M. s. Francese Saveri
- 4 J. s. Bàrbare
- 5 V. s. Pieri Grisologo
- 6 S. s. Nicolò di Bari
- ✠ 7 D. *Il D' Accet* — s. Ambrós

8 Prin Quart a oris 7 m. 26

Dutt a so timp e lûg.

Jentre il prin quart cun grinte ;
L'è dutt un nûl, al svinte,
Cu' l'aghe misturade
Còle robe glazzade ;
L'è il termòmetro bàss fur di misure,
E probàbil pe' gnott farà criure.
Pur al è un frêd che no mi dà paure,
Parzè quand che jè robe di stagion
Al è dutt regolâr e al va benòn.
Saveo invezze qual che al è un orôr?
Quand che si spiete un po' di chiald di amôr,
E invezze al salte fûr
Une fredezze che si glazze il cûr.

- ✠ 8 L. **Imacolade Conceziòn**
- 9 M. s. Procul
- 10 M. Madone di Lorêt
- 11 J. s. Damas pp.
- 12 V. s. Maurizi
- 13 S. s. Lucie
- ✠ 14 D. s. Spiridiòn

15 Prin Quart a oris 5 m. 47.

Che al misuri daûr di se.

Il timp continue a jèssi rabiôs,
E paron Benedett al ò redrôs
Parzè al pretindarèss
Che il timp al si rindèss.
Chiar lui, sior Benedett, — che al stòi cujèt!
Seugnû pur nò tignû lis sos molèstis
Che al ò simpri stizzos piês de lis bèstis!?!

15 L. s. Mássim
16 M. s. Adellne
17 M. s. Lázzar

Timporis

Merehiât a Udin 18 e 19.

18 J. Aspetazion del part de Madone
19 V. s. Sabine
20 S. s. Zuan Marinon

Timporis
Timporis

21 Ultim Quart a oris 21.

Atènz !

L'è selarit come un lambri e dutt eidin.
Ma ze val? L'è tant fin,
Che al jentre fin sui uèss, al incandiss.
L'è come qualchi fint,
Che al fâs muse ridint:
Al par che al ti chiarezzi, e al ti feriss.

✠ 21 D. s. Tomâs ap.

22 Inciar a oris 19 m. 36

22 L. s. Demetri
23 M. v. Vittorie m.

- 24 M. s. Delfin
✠ 25 J. **Nadal**
✠ 26 V. s. *Stieffa*
27 S. s. Zuan En.
✠ 28 D. ss. Nocentins

29 Lune Gnove a oris 22 m. 25

Agimus tibi gratias.

Inmò tre dis, po' l'an al è jessût.
E la lune lusint,
Come un falzùtt d'arint,
Pâr che mi vegni a dà l'ultim salût.
E jò chiali che lune, che dutt l'an
Hai bazzilât eun jè,
Che di spess e' ha vût l'èstro mataràn,
Ma in fin dei conz ha lassât fa di mè.
'O chiâl il cil stelât,
Che par un an intir
Al mi ha beneficât.
'O slàrgi il voli in zir,
Chialî la tiare, chest gran chiamp di uère,
'O pensi a lis batâis di dutt chest an.
E mi viôd inmò in pîs, cu-l'arme in man.
E a chesg fazz e' mi jèss une prejère
Dal cûr comòtt e grât:
«Signor, ze che vin nò — l'è dutt da Vo:
Signor, sess laudât !!...»

- 29 L. s. Tomàs
30 M. s. Nicefor
31 M. s. Silvestri.



Jè finide.

O soi al fin,
E' si lassin
E voi cun Dio...
Furlans, adio !

Dopo che un an
Chiapàz pe' man,
A pâr land vie
In compagnie,
Se la fasèvin,
Se lis disèvin
Da hòms amis,
E' mi dûl l' ànime
Che sin ai dis
Del miò dividimi,
Del dèssi adio
E' là cun Dio.

Grazie, Friûl,
Che tu mi fàs
Muse zintil;
E, mott di dûl,
Tu compraràs
A mil a mil
Il miò librùtt.
Grazie di dutt !

La to memòrie
Jò la varài
Come une glòrie;
La tegnarai
Come un ricuàrd
Di sentiment
Fin a la muàrt,

Ma vie par l'an
Vevi ànchie tu,
Da cortesan,
Qualehi momènt
Di pensai su
A chell che il cûr
Mi ha fatt dà fûr
Fra une ridàde,
Fra une pontàde,
Fra un slanz di amôr
Par il to miôr.

Pense, Friûl...
Ma... oh no puèss sta!
L'ore è sunade...
Jò dèvi là.

Se vivarai,
'O tornarai;
Se sarai muart,
Ne la me pàs
E' tu varàs
Il miò riguard.



Merchiâz de' Provincie e contorno.

- AJELL, tiarz lunis di ogni mës; 4, 5, 6, novembar.
AMPIEZZ, 9 settembar.
AQUILEE, 3 febrar, 26, 27, 28 marz, 11, 12 e 13 lui, 16 avost, 19, 20 e 21 decembar.
ARTE, prin martars di ottubar, 13 decembar.
ATTIMIS, 30 novembar.
AZZAN X, prin e tiarz lunis di ogni mës, 30 avril, 25 iugn, second lunis di lui, 22 novembar te' frazion di Tiezz.
BARCIS, tiarze domenie di avril, mai, setembar, ottubar.
BELUN, ogni sabide.
BARCIS, tiarze domenie di avril, mai, setembar e ottubar.
BERTIUL, second vinars di ogni mës, fur di setembar e novembar, 9 e 10 setembar, 10 e 11 novembar.
BUDOIE, 9 setembar.
BUIE, quart lunis di ogni mës fur di ottubar, 12 e 13 lui, quart miareus di ottubar.
BURI, tiarz luniz di ogni mës.
CHIASARSE, second miareus di ogni mës.
CANAL, 22 setembar e il lunis prin di S. Martin.
CECCHIN (Pasian di Pordenon), second martas di zenâr, marz, mai, lui, setembar e novembar.
CAPORET, 9 marz, 13 iugn, 9 setembar, prin lunis di novembar.
CERVIGNAN, prime oibe di ogni mës, 11 novembar.
SCLUSE, 14 febrar, 24 avost, 29 setembar.
CIVIDAD, seconde e ultime sabide di ogni mës. (Se chiâdin in zornade di fieste, e' vègnin antecipaz di une setemane), 25 lui, 29 setembar, 11, 12 e 13 novembar. Se chiâdin in zornade di fieste si traspuàrtin al prin di di vore dopo.
CODROIP, prin e tiarz martars di ogni mës, 27 e 28 otubar.
CHIARAN, 30 iugn, second lunis di otubar.
CORMONS, il vinars dopo l'ultime joibe di ogni mës, 25, 26, 27 iugn, lunis dopo la prime domenie di setembar.
COMEGLIANS, 1 zenar, 31 otubar, 6 decembar.
CONCUARDIE SAGITARIE, 4 avost.
CONEAN, ogni vinars.
CORDOVAD, 20 marz, 9 e 20 setembar.
DUIN, 24 iugn.
ENEMONZ, prin lunis e martars di otubar.
FEAGNE, second martars di ogni mës.
FLAIBAN, seconde joibe di ogni mës.
FLUM, second martars di ogni mës.
FLAMBRI, lunis dopo la tiarze domenie di novembar.
(Sa l'è timp di ploe ven rimandât a vot dis dopo).

FONTANEFREDE, 17, 18, 26 e 27 otubar, 2 e 3 novembar.
(Se chiadin di sabide o domenie vegnin rimandâs al
lunis dopo).

FORS DI SORE, 21 novembar.

FORS DI SOTT, la joibe dopo de tiarze domenie d'otubar.

GAJARINE, quart lunis di otubar.

GLEMONE, prin vinars di ogni mës, 3 febrar, 13 jugn, 2
novembar.

GODEGA (S. Urban), lunis e martars dopo de prime do-
menie di marz; lunis, martars e miareus vicins al 25
di mai.

GONARS, prime joibe di ogni mës. (Se al chiad di fieste
si rimande all'altre joibe). 28 decembar.

GURIZZE, seconde e ultime joibe di ogni mës, 16 marz
par vot dis, 21 avost par 15 dis, 29 setembar par vot
dis, 30 novembar par 15 dis.

GRADISCHE Brume, second martars di ogni mës, 20 ze-
nâr, lunis e martars dopo l'otave di Pache, lunis e
martars dopo la prime domenie di avost.

LATISANE, prin e tiarz miareus di ogni mës, 24 e 25 jugn,
25 lui, 21 avost, 21 setembar, 11 e 12 novembar.

LONGARON, seconde joibe di ogni mës, second lunis di
mai, ultim lunis di otubar.

MANIA', tiarz lunis di ogni mës, lunis uliv, il lunis plui
dongie de 'l 25 lui, il lunis plui vizin al 21 novembar.

MARON (Brugnere), prin lunis di lui.

MARTIGNA', ultima martars di ogni mës.

MEDUN, second lunis di ogni mës ad eccezion di jugn,
lui e avost; tiarz lunis di marz, avril, mai, setembar,
otubar e novembar, e il lunis dopo de l'ultime dome-
nie di otubar.

MIGEE, prin martars di ogni mës, (Se chiadin in zornade
di fieste si traspuartin al martars dopo); 17 zenar,
13 jugn.

MION (Ovâr), 11 e 12 novembar.

MUEZZ, 19 marz, 21 novembar.

MONFALCON, tiarz miareuz d'ogni mës, 20 e 21 marz, 6
e 7 decembar.

MORSAN DEL TAIAMENT, prin lunis di marz, prin lu-
nis di setembar.

MORTEAN, second e ultim miareus di ogni mës, 25 zenar.

MOTE DI LIVENZE, ogni sabide. (Se chiadin in zornade
di fieste si traspuartin il di antecedent); 26, 27 e 28
marz, 16, 17 e 18 avost, 11 novembar, 6 decembar.

ODERZ, ogni miareuz. (Se chiadin in zornade di fieste si
traspuartin a la joibe dopo); 22, 23 e 24 lui.

OSOF, second lunis di ogni mës, 7 e quart lunis di otubar.

OVAR, prin martas dopo Pache, 11 e 12 novembar.

- PALME**, second e quart lunis di ogni mès, tiarz lunis di lui, dug i lunis di otubar fur del prin, il lunis prime di Nadal.
- PALUZZE**, quart lunis di marz, quart martars di mai, 25 e 26 di lui, prime domenice e quart lunis di setembar, quart martars di otubar, quart lunis di novembar.
- PASIAN DI PORDENON**, second martars di febrar, avril, jugn, avost, otubar, decembar.
- PASIAN SCLAVONESC**, tiarz lunis di ogni mès, fur del mes di novembar, second lunis di novembar e 30 nov.
- PERCUT**, prin miarcus di ogni mès.
- PLEV DEL CADOR**, prin e tiarz lunis di ogni mès, il di di mieze quaresime, 29 jugn, prime domenice di setembar e 30 novembar.
- PONTEBE**, 8, 9 e 10 setembar, seconde domenice di otubar.
- PORDENON**, ogni sabide. (Se chàdin di fieste si traspuartin al vinars dopo), 5 mai.
- PUART BUFOL**, second lunis di ogni mès, 30 e 31 avost.
- PUART**, prime e tiarze joibe di ogni mès, ogni joibe di zenar, febrar, marz e decembar, 26 e 27 avril.
- PUZZUI**, tiarz miarcuz di ogni mès, 29 novembar.
- PRATE DI PORDENON**, quart lunis di febrar e second lunis di otubar.
- RESIE**, prin di mai, 14 e 15 di avost, ultime domenice di otubar.
- RESIUTE**, 17 zenar, prime domenice di avost, 10, 11 e 12 novembar.
- RIVEROTE** (Pasian di Pordenon), quart lunis di setembar.
- RIVIGNAN**, tiarz lunis di ogni mès, fur del mès di novembar, 2 novembar.
- ROMANS**, quart lunis di ogni mès. (Se al chad di fieste si rimande al lunis dopo); 25 lui, 19 e 20 novembar.
- SACIL**, ogni joibe, second lunis di lui, 25 novembar. (Se chàdin di fieste si antecipin di une zornade).
- S. DENEL**, tiarz miarcuz di ogni mès, 18, 19 e 20 zenar, 15 e 16 avril, 22 e 23 jugn, 28 e 29 avost, 16 e 17 otubar, 24 decembar.
- SAPADE**, prin lunis di mai, second lunis di otubar.
- S. STIEFIN**, second lunis di marz, avril, mai, jugn e otubar, 2, 3 e 4 novembar, prin lunis di dicembar, prin di mai te' frazion di Camplung.
- S. MICHEL DAL TAIAMENT**, prin di di vore dopo del 25 di marz.
- S. FIOR**, seconde sabide di febrar e di otubar.
- S. VIT DAL TAIAMENT**, prin vinars di ogni mès e tiarz vinars di zenar, febrar, marz, otubar, novembar e decembar. (Se chiàdin di fieste si antecipin di une zornade); 12 e 13 jugn, 5 e 6 decembar.

- SEST AL REGHIENE, 13 marz, seconde domenie di settembar e prime domenie di otubar.
SOCCHIEV, 25 avril e ultime sabide di otubar.
SPILIMBERG, prin lunis e tiarz martars di ogni mès, dug i martars di marz, avril e mai, 16 avost e 3 otubar.
TARCINT, tierz lunis di ogni mès, vinars sant, 29 jugn, prime domenie di otubar.
TISSAN (Azzan X), 22 novembar.
TOLMIEZZ, dug i lunis di ogni mès.
TOPP (Medun), 13 decembar merchiât di pareiz.
TRESESIN, prin lunis e tiarz martars di ogni mès.
TULMIN, prin lunis dopo S. Iosef, 23 avril, 2 setembar, prin lunis dopo S. Ursule, prin lunis dopo S. Nicolò.
VALENZAN, 26 febrar e 21 jugn.
VALVASON, quart lunis di ogni mès. (Si rimandin al lunis dopo se chiâdin merchiâz in qualche Comun vicin).
VENZON, quart miareus di marz, jugn, setembar e decembar, 30 novembar e 13 decembar.
VILLE SANTINE, second lunis di avril, il lunis dopo la tiarze domenie di otubar.
VILLUTE (Chions), il lunis dopo la seconde domenie di otubar.
VITTORIO, ogni lunis, 16 e 25 zenâr, 14 febrar, 5 mai, 5 e 22 avost, 30 novembar.



AMÂR DI ÛDÎN

Antighe e famose specialitât

di MENI de CANDID

Chimic e Speziar

in Grizzan

Oh sior Menin
S'cal benedett!
Cuu t' un tantin
Del so licor
Lai al rimett
Vite e vigor.

Za tang di lor
Plui muarz che vis
Tornâz in pîs!
E cent e cent
Malâz di stomit,
Prêmiz e vômit,
No digestiôn
No nutriment,
Sees, incandiz,
Inschelitriz,
Biell aviliz,
A lambicassi
Senze spietassi
Plui uarigiôn;
Tornâz a rive,
Vignûz un fiâr,
Bagnand la pive
Cun chell Amâr.
E tang e tang

Dopo tentâz
Cent mil rimiedis,
E consultâz
Un grum di miêdis
E dei plui grang,
E' han a la fin
Ta 'l gutisin
Di Sior Menûtt
Chiatât il mud
Di tornâ a ve
La lor salût.
Oh sant Licôr
Tu tu hâs l'onôr
Di sei par dutt
Clamât il-re
Dei plui potênz
Medicamênz
Par duguang chei
Che uêlin ve
Bon appetit,
Stômi e budiêi
Che tràin profit
Di chell bocôn,
Che ben glutit
E digerit
Al fâs benôn.

A Udin ❀

su la strade tra Puarte Puscuel e Villalte
al è il Studi di Piture e di Sculture de - i

FRÀDIS FILIPÒNS





Si fàsin Pàlis di Altar — Pitùris a frese —
Via Crucis e Stàtuis — Altars di len — Pùlpiz
— Orchèstris — Catafàles — Confessionàris, ecc.
Fabriche di ogèzz e di paramenz par Glèsie
— Bandieris par Societàz — Standarz — Gon-
falons — Ricams a man e a màchine.

Specialitàt di marmos a pieris artificials.

Se vògnin domandaz, si dan disegns e preventivs.

VIGI ROSÈLL

in borg di Rialto a Udin

Une mercanzie infinide di artieui di mil qua-
litàz in **ALLUMINI**    

Sior **Luigi Rosèll**,

Senze art e impusture,

L'è bon, al è bièll,

L'è seri e zintil.

E ai dis che nus van,

Che al règne l'ingian,

Di chèste nature

Si 'n chiàte un in mil.

Vàit dūchie, furlans,

Vàit là di custui :

Plui boins carantans,

No spindis mai plù.

Iscind da che puarte

Duquàng e' dirès :

« Se chell del lunàri

Sui motos de lune,

Al dis il contrari

Cine vòltis al mès,

'Ste vòlte eun t'ùne

Nus pàe dūtis chès.

Sior **Luigi Rosèll**,

Senze art e impusture,

L'è bon al è bièll,

L'è seri e zintil.

E ai dis che nus van

Che al regne l'ingian,

Di chèste nature

Si 'n chiàte un in mil ».

BISCOTINS

de' Fabriche Premiade

unies

Carlo Delser e Fràdis

— A MARTIGNÀ DI UDIN —

Chesg Biscotins e' son tant lizèrs e cussi so-
stanziôs che van par sore, senze confront, a
qualunque altre qualitât. — E' duri in une vore
a lung se si ju ten senze àjar.

Dànchie vait là
De-i fràdis Dèlser
A Martignà,
E provarès
De-i biscotins
Che in lor confront





E' non varès
Nè mai vidùz,
Nè mai gioldùz.
Jè privative
Che in dutt il mond
Nissim la rive.

Al sta in Plaze San Jàcum
a UDIN

Sior **CHECO MARTINUZZ**

Al è un om a la buine come i fruzz,
L'è just, l'è cortesan,
E l'è bon cristian.
Par chesit lui cu' la int
Ta 'l prèsi l'è corint,
Ta 'l misurà no 'l va tant par sutîl
L'è gènars garantiz,
Sei lane o sede, sei bombàs, o fil,
Sei bianchiarie 'o vistis,
Sò in draps, o aparamèns,
Tapèz, o furnimenz,
Par Glèsis, par famee;
Par prèdis, secolàrs.....
No ise une maravee,
Par chei che han di fa afàrs?!

Speziarie Filippuzz-Girolami - Udin

Malatiis   
 des gnarvidûris
d'ogni qualitât

si uarissin sul moment cu 'l

Linimentum Capsici compositum
marche "Ancore"

de Speziarie **RICHTER** di Prague



Sessant' agn di triònfos. — Miars
di uarigions al an.

Toss, Bronchitis
Asme, Rauchèrie

e' pàssin subit cu' lis famosissimis

Polveri pettorali 'Puppi'

componûdis nome in te Speziarie
reâl

Filippuzz-Girolami



Un franch la schiâtule.



famôs pa 'l so Empòri
in Marchiavieri a Udin.

Jê, siôr Gustin,
Cun chell sestin,
E' mi smulfie,
E' mi cuzie
Par ve une vie
Che mèti in clâr
Lis mercanzis
Des sos seanzis.

Ma, chiare jê,
Cui l'ha il podê
Di chiâtâ il drett
Par lâi fur nett
Senze un trussôn,
Un zopedôn
In chest infiâr,
'Ste confusiôn
Di hieicelêtis,
Pelizzariis,
Scârpis e ghêtis,
Mòdis, mantêi
E mantelêtis,
Gâlis e floes,
Galantariis,
Bisutariis,

E mîl flagei,
E sties e stoës?...

Eh, siôr Gustin,
Malafenò!!!
Lui mi smulfie,
Lui mi cuzie
Cun chell sestin,
Ma jê no jentri!
Plui tost fra nô
La justarin
Cu 'l mandâi dèntri
Miezz i furlâns
A fûi scravâzz
Di carantâns.

E alore i fuzz
E' provaràn
Che anchie il lunâri
L'è necessâri:
Chê pe' so man
E' restaràn
Content Gustin
Cu 'l so tacuin,
E arcicontênz
Pa' la lor spese
Dug i cliênz.

AGNUL SCAIN - Udin

Fabriche Premiade di Guano. - Specialità Perfosfat Azotat-Azoto *gratis*. - Guanos par rosis e par ortais. - Solfat di ram. - Nitrât di Sode. - Zolfars. - Sai di Potasse.

Dipuèsit di grass e uèlis mineral par machinis. - Benzine di Germanie par automobii. - Tubos di gome d'ogni sorte. - Carburu di Calcio de fabriche di Terni.

Dipuèsit di ueli pesant di Catram e Sode di SOLARI par nari i Morars da la *Diaspis Pentagona*.

**Filtri
FRATIN**
par
conservà
i vins.

**Veris
Lastris
Spiel
Plazz
Chicaris
Chiadins
Scudièlis
Pignâz
Vâs
Tepèz
Netepis
E miars
di altris
Articul
Chiasalins**

**Ecc., Ecc.
Ecc., Ecc.**

PIERI BISUTT
Borg di Puscuèll, 10

Pieri Bisutt
L'è da par dutt
Ricognossût
Come un bon om,
Un galantom,
Che cun t'un mud
Selett e sancir,
Senze scechezza,
Senze seerezz,
Senze bausis
Al mett in zir
Lis mercanzis.
Oh ze plasè
Di podè ve
Par i furlans
Cussì a lis strètis
Di carantâns,
Un omenùtt
Tant a propòsit
Come **Bisùtt**.

Bepo Contard

Borg di Glemone

UDIN

STABILIMENT MECCANIC

Filandis interiis a vapor.

Chialdèris. — Bòtis
per suèdà. — Cassis
fuartis. — Siaraduris:

POMPIS

Implant di lavorato-
ris. -- Lavòrs di fari. --
Fondarie di bronz.

TIZIAN D' ORLAND

che al sta a Udin in Borg Pauli Cancian

Al si ten onorad d' invidà i furlans e special-
mentri i Predis a fa une visitine al so negozi
furnit di stofis e di tèlis d'ogni sorte, par grang
e par pizui, par puars e pa-i siors; robe che si
vend a bon presi e che si compre vultintir.

Enin là di 

Checho Menisin

in fonz a Marchiavièr

Chiar Sior Chechin,
Sior Minisin
Soi ca cun lui.
Vevi di chiòli.....
Ma oh ze negòzi!
Ze capo rar
Chiàle ze luss!
E viôi ze fole!
Fluss e riflùss
Tan' che ta 'l mar!!

Chiar Sior Chechin,
Sior Minisin,
'O mi consòli
Tant po' cun Lui!....
Ma, che al permeti...
Vevi di chiòli...
Ze?... no sai plui:
Can chest splendôr
Soi lât atôr.

Viod ze scanziis
Plenis, incòlmis
Di mercanziis!
Dut ze che il voli,
Ze che la gòle
Puèdin bramà,
Si po chiata.
E par mangià,
Bevi e lavà,
Par medcà,
Par fabricà,
Par piturà,

Fotografà,
Illuminà
E sprofumà.
Oh ze scanziis
Di mercanziis!
Oh ze negòzi!
Chiàle ze luss!
Ze capo râr!
Chiàle ze fole!
Fluss e riflùss
Tant che ta 'l mar!!
E chest significhe
Che Minisin
Trate a puntin
E da om di sest
E da om onest,
Fasind contenz
Dug i clienz.

Chiar sior Chechin,
Torni a ripèti,
Che mi consòli!
Ma che al permeti
Che in pen di chioli
Chell che il splendôr
Mi ha fatt là atôr,
Che 'o meti in bôchie
Qualchi pignûl,
Par là chiantant
E là jemplând
De lis sos gloriis
Dutt il Friûl.

Vittorio Beltràm

successor a DREE TOMADIN
merchiedant di panine

Un timp co' si disève Tomadin,
Voleve di il bombòn dei merchiedanz:
Om che al fasève afars simpri a puntin,
Om che al tratàve dug simpri cu 'i guanz,
Om che al tignive il so negòzi a un pont
Che i àltris jèrin nùje al so confront.
Uè Tomadin l'è lât ta 'l cimitèri,
E Vittòrio Beltràm l'è in ta 'l sc puèst.
E Vittòrio Beltràm l'è un om tant seri,
Un om cussì zintil e tant onest,
Cho cui che al va a fa spèsis là di lui
Al dis che Tomadin no l'è muàrt plui.

Supòstis
Antiemoroidàls
del dottor West

a. tre franes la
schiatule.

unic dipùbbit par l' Italle te'

Speziarie Comell

Pirulis

Antiemoroidàls

purgativis
e depurativis

ZUÀN NASCIMBÈN
Plazze Vitt. Eman. N. 1
ORLOIÀR


Se l'an passât
Zuàn Nascimbèn,
Chè fortunât
Dì nàssi in ben,
Faseve ben;
Ne l'an che al cor,
Parzè che il ben
Va simpri in miôr,
Al fâs furôr.
Il so negozi
Al è un splendôr;
I siei orlòis
Son tantis zòis;
Lis sos manieris
Son un inchiânt;
I afars si fâsin
Quasi di band.
Oh Nascimbèn
Chè fortunât
Dì nàssi in ben,
Se l'an passât
Faseve ben,
Sicome il ben
Va simpri in miôr,
Zuàn Nascimbèn
Ne l'an che al cœr
Al fâs furôr.

Giordan, Giordan

Speziarie BURELL

— a FEAGNE —



G **LORIE** 
e Calicantus

Bevi, se si ul
vivi e sta benon,
chesg' licors premiaz
cun **medæe d'aur.**



Làssit immortâl del
puar speziâr





VIGI SANDRI.

Itàlic Pive

in borg Snperior, 20
Recâpit in Borg de' Pueste, 44
Telèfono N. 167-168



Lens e Chiarbons.
Selapadure e Sea-
dure a Mâchine.

Serviz *gràtis* là di
chiase.    

Presis boins che nissùn ju fâs.



Fabrique Premiade
di **AGHIS GAZOSIS**

AGNUL VATRI

Sior Agnul Vatri

L'è un om di sest,
Discret e seri;
Parzè che **Vatri**
L'ha creditât
Il non e il puest
Di **FILIPP MANDER**,
Il chiapelâr
Plui populâr
E rinomât
Da la citât.
Dànchie, ze ocôr!
Il pûr e il sior
Se han di comprâ
Che vadin là,
E vedaràn
Che chiataràn
Un tornecont
Senze confront.

Chiapelâr a Udin in Marchiavieri


Al Speziar

PLINI ZULIAN

PAL SO

BALSIM DI SAN ZORZ

premiât cun dôs medâis



Tònie, che jere zuète
E uè e' chiamine drète,
Puàrte in pâlme di man
Il Speziâr Sior Plini Zulian.

Vignût leve in selaezz;
In zornade al va squàre, e a chest portent,
Al benedîs i efiezz
Del balsim di S. Zorz onipotènt.

Tomâs si strissinàve adâsi e plètt,
Cumò al va picotît, tan' che nu zupett;
E Tomâs cun Vignût
Dà il mèrit a Zulian de' so salût.

Bete veve tortûris
Di lung des cumissûris;
Uè è sollevade, e in bôchie so si sint
Sôl discori di Plini e del so unziut.

E Toni, Mite e Zuân,
Uarîs da Zulian,
Lu chiântin prodigiôs;
E Sêfle un om da-i pòs,
E Cece mièi d' un dotôr,
E Sâbide un valôr,
E Nôni un salvatôr,
Zuân un benefatôr
E jô ? jô j' fâs di miôr.
Lu flichî sul lunâri
E, come *necessari*
Voi presentâlu atôr
A un miliòn di lôr.

Al' Union

Dipuèsit Spetacolòs
di scàrpis d'ogni fòrme e d'ogni colòr
par ùmin e par fèminis
di gènar e di lavòr garantiz
e di presi cussi bon che al par impossibil.

Cui dunchie no 'l larà a fa spese a
l' Union? Nome i stùpiz!

Borg Pàuli Canciàn - sott i Puartis n. 7.

Toni Beltràm

Pa 'l so telàm,
Pa - i vestimènz
E furnimènz
No l'ha bisùgne
Di fà reclàm,
Parzè si scègne
Pajàssi il gust
Di là a chiatàlu,
Di là a tratàlu;...
Tant al è just!
Tant al è bon!
Tant l'è un pastòn!
Ma cun dutt chest
Uèi par **Beltràm**
Stampà un Reclàm;
Parzè che o' uèi,
Sei ze che al sei,
A un om di sest
Bati lis mans
In miezz a dug
I miei furlans.

Bert Sgòbar

sul Puint d' Isule
a UDIN

Al intàe, al indore, al
inarzènte, al pitùre, al
vernise; al fas stàtuìs,
pùlpiz, orchèstris, cata-
fàles, sèdiis, ilumina-
ziòns, mòbii, gonfalons,
standarz, bandieris, cròs.
Anchie cròs? Sì an-
chie cròs! Ma del rest
no 'l mett in cròs nissun;
parzè che Sgòbar al è tant
bon e brav om che no l'è
capàz che di fa del ben.

Empori di MENI BERTACIN
in Marcblavteri a UDIN

robe par Glesie
robe par Chiasse
robe par fur
robe pa 'l chiald
robe pa 'l fréd
robe par mangià
robe par bevi
robe par preà
robe part divertissi
robe par furnissi
robe par lavorà
robe par durmì)
robe pa-i grang
robe pa-i fruzz
robe pa-i vis
robe pa-i muarz
argentir
letonar
bandar
chineaglr
galantom
cortesàn
mataràn
bochie ze ustu ? ! !...

In borg de Pueste, 10 - UDIN

L. CUOGHI



Dipuesitòn di Pianofortis,
Organos, Armoniums.

Si vend, si dà a nauti, si cambie.

Uniche rapresentanze de'
gran fabriche di Bicieletis e
Automobli di Prinetti e Stucchi — Milan. ♦ ♦ ♦ ♦

UDIN - Piazze S. Jacun N. 3 - UDIN

**ZANUTE *
e MAZZOLI**

Coloniai e Dròghis. - Colors, Vernis, Cere. - Confez e Chicolate cun chiatulis finis par bombong.

Vins di luss e Licors.

Savons sprufumâz, ecc.

**Prodozz Chimics
e di Midisine**

GUSTO CALDERARE

Zardinir e venditor di Ròsis

**Borg Cavour, 15
UDIN**

Semènzis di ròsis
Semènzis di prâz,
Semènzis e plântis
Di mil qualitâz.

Si nêtin, si cûrin
Zardins e vivars,
Boscâis e chiarândis
Ortâis e pomârs.

Oh chiare buteghe,
Vêr lug di cucagne
Par l'om di campagne,
Che cu' une cagnère
Cà al chiòll la maniere
Di fà la tavièle
Plui útil, plui biele.

AGUSTIN D'AGUSTIN e PIERI VISAN
Fornas di chialzine a fûc continuu.

Jè fra Merèt
 E Baracèt
 Cheste Fornàs.
 E 'o mi complàs
 Di saludàle,
 Di presentàle
 Come une prove
 D'indùstrie gnove
 In chest país.
 Ognùn al dis
 Che va pulit:
 Che son paròns
 Di fa afaròns.
 Dunchie, Friùl,
 Astu capît?
 Mòviti a dul
 Del to tacuin,
 E di Visàn,
 E D'Agustin.
 Dàisi la man,
 E cussi strenz,
 Si judarès,
 Si chiatarès
 Plui che contenz.

Ocbial
 Lin3



Ocbial
 Lin3

Nocent Giacobbi

a UDIN dafûr il Domo

Canochiai. — Bino-
 cui di mar. — Binocui
 di Teatro, ecc.

Metros e Misuris.
 Barometres e Termometres

Implanz di chiampanis eletrichis
 Telèfonos e Parafulmins.

Artieu per ilumina-
 zion a Gaz e Acetilene.

Jentràit là di
MORETT e VIANELL
 in Piazze del Polam a UDIN

Oh ze fantàzz!
 Ze galandins!
 Ze doi sestins!!
 E plui di dutt
 Robe a boins pazz,
 E robe a suazz.
 Stòfis e telis
 Buinis e bielis,
 Di mil colors;
 Sciai e cuviartis
 E covertors;
 Lane par jèzz,
 Galis e sciarpis
 E fazzolèzz.
 Oh, benedèzz,
 Ze fantazzins!
 Ze doi sestins!
 Ze cortesans!
 Còrit furlans!!

In berg Gavour Ditte **L. Barei**

L. BAREI

GRAN EMPORI
 di **MUSICHE**
 e di **CARTOLINIS**

*Robe di Cancelederie
 Chiarte, ecc. ecc.*

Quàntis sorprèsis!!...
 E ze boins prèsis!
 Ze buine ciere!
 E ze maniere!
 Puèdial sei miei?
Viva BAREI!!

Prof. Dott. GUIDO BERGHINZ

docente di clinica medica pediatrica

nella R. Università di Roma

Medico pediatra nell'Ospedale Civile di Udine
e nell'Ambulatorio « PRO INFANTIA »



Consultazioni in casa ogni giorno
dalle ore 13 (1 pom.) alle 14

✧ *Via Francesco Mantica, 36* ✧
Piazzetta del SS. Redentore.



Doppio Beeftea Scarpa



Premiato e brevettato liquido di carne,
limpido, aromatico, digeribilissimo, raccoman-
dato dalle primarie autorità mediche per

**AMMALATI — CONVALESCENTI
BAMBINI GRACILI.**



Dirigere commissioni: **EUGENIO SCARPA e C.**
Amministr.: MILANO, *Via Fulcorina, 17.*
Stabilimento: **PADERNO DUGNANO.**

Trovati nelle principali farmacie e drogherie del Regno.

Premiato Stabilimento

ed Istituto Bacologico

Fratelli MARSON

IN VITTORIO.

PRIMI INCROCII Giapponesi, Coreani e Chinesi, Poligiallo sferico cinese specialità della Casa **RINCROCIATO** a bozzolo giallo classico, di robustezza pari ad un primo Incrocio.

Confezione esclusivamente cellulare, con garanzia della perfetta immunità da infezione.

GRANDI MAGAZZINI Cav. G. MARZOCCHI


BOLOGNA - *Via Farini, 24 - Via Castiglione, 12*

12 Vetrine

Uffici e sale
di Esposizione
superiori.




Utensili per Casa e Cucina.



Servizi da tavola in terraglia, porcellana e cristalleria. — Posaterie in alpaca vera di Berndorf. — Articoli argentati e nichelati. — Oggetti per regali della massima praticità ed eleganza. — Mobili di lusso e di decorazione. — Servizi da thè e da caffè. — Vasto assortimento in articoli sportivi. — Torniture in acciaio smaltato per Ospedali ed Istituti.

IDROTERAPIA

Riscaldamento - Illuminazione.



Il più rinomato deposito in
Macchine per Salumieri

*Circolari, Preventivi e Disegni
— a semplice richiesta. —*

LACRIME di PINO

**Elisir a base dei principi resinosi
delle gemme di Pino alpestre**
preparato dal Comm. EGIDIO POLLACCI, Pro-
fessore di Chimica Farmaceutica nella regia
Università di Pavia.

4 Medaglie d'Oro ottenute nell'anno 1901 alle
Esposizioni d'Igiene, Sanità, Medicina, ecc.
di Roma, Londra, Lione, Würzburg.

Questo **Elisir**, in commercio da breve tempo,
venne sperimentato da molti medici nella cura
preventiva delle **malattie di petto**, nelle **tossi**,
nei **catarri** anche cronici, nelle **bronchiti**, **grippe**,
dolori di gola, **raucedine** ecc. e diede risultati
tali da farlo ritenere uno dei rimedi più effi-
caci per la guarigione delle dette malattie.

A chi ne farà richiesta verrà spedito *gratis*
l'opuscolo illustrativo del Dott. Levati.

Prezzi di vendita: Bottiglia grande L. 6. —
Mezza bottiglia L. 4. — Flacone L. 2.

Per ogni spedizione in pacco postale, ag-
giungere L. 1.00 d'imballaggio e porto.

Inviare richieste alla **Ditta OGNA RADAELLI**
e C.^o in **Milano**, Viale Umberto 8; ed alle prin-
cipali Farmacie.

PALMINA

(Burro naturale di Noce di Cocco)

PURISSIMO BURRO VEGETALE

Insuperabile per cucina!

NUTRIENTE-IGIENICO

—❧— *ECONOMICO* —❧—



In vendita presso ogni buon
salumiere, droghiere, ecc.

Risparmio 50 % Risparmio

Domandate opuscolo con cartolina
doppia alla Ditta

THE ANGLO-ITALIAN COMMERCE C."
GENOVA  MILANO

**ANTICHE E RINOMATE
PASTIGLIE ALLA CODEINA**

DEL DOTT. RECHER
**ottime contro le tossi
e catarri in genere**



Deposito generale presso

A. MANZONI & C.^o
MILANO — ROMA — GENOVA.

Si vendono in tutte
le Farmacie a L. **1.50**
la scatola grande e lire
1.— la scatola piccola.



